

БАРЧАМИЗ ҲАМЖИҲАТ БЎЛИБ, ОЎҒИМИЗ ЕРДАН УЗИЛМАСДАН МЕҲНАТ ҚИЛСАК, ФАРҒОНАДА АЛБАТТА НАТИЖА БЎЛАДИ

Ўзбекистон Республикаси Президенти Шавкат Мирзиёев ҳудудлар ривож, йирик лойиҳалар билан танишиш, аҳоли билан мулоқот қилиш мақсадида 4-5 февраль кунлари Фарғона вилоятида бўлди.



Ташрифнинг иккинчи куни Фарғона шаҳрида халқ депутатлари вилоят Кенгашининг навбатдан ташқари сессияси бўлиб ўтди.

Сессияда Президент Шавкат Мирзиёев иштирок этди ва нутқ сўзлади.

— Бу ерга келишдан олдин кўп-кўп таҳлил қилдик. Келиб-кейтиш осон. Лекин 4 миллионлик вилоят аҳолисига нима манфаат бўлади, деган савол кўндаланг турибди. Шунинг учун бир ойдан бери тайёргарлик кўряпмиз. Кеча туманларда юриб, одамлар билан гаплашдим. Фарғонанинг эртаси нима бўлади, деб кечасиям уйлаб чиқдим. Коронавирус касаллиги ёнимизда юргандек, иқтисодий хавф-хатар ҳам ёнимизда юрибди. Дунёдаги инқироз ҳамма давлатларга таъсир қилди. Бозор топиш — азор бўлиб кетди. Шунинг учун янги “ўсиш нукталари”ни шакллантириб, имкониятларни тўлиқ ишга солишимиз керак, — деди давлатимиз раҳбари.

Сессияда ташкилий масала қўрилди. Давлат раҳбари 2020 йил сентябрь ойидан буён Фарғона вилояти ҳокими вазифасини бажариб келаётган Хайрулло Бозоров номзодини Фарғона вилояти ҳокими лавозимига тавсия этди.

Х. Бозоров меҳнат фаолиятини 1995 йилда солиқ инспектори сифатида бошлаган. 2007 — 2015 йилларда Наманган вилояти ҳокимининг ижтимоий-иқтисодий масалалар бўйича ўринбосари, Учқўрғон, Чуст ва Минг-бўлоқ туманлари ҳокими бўлиб ишлаган. 2015 — 2020 йилларда Наманган вилояти ҳокими бўлган. Ўтган йили Ўзбекистонда хизмат кўрсатган иқтисодчи фахрий унвони билан тақдирланган.

— Мен Хайрулло Бозоровни кўп йиллардан бери биламан. Учта туманда, вилоятда ҳоким бўлиб ишлаган. Жуда тажрибали, ҳозирги замонга муносиб, халқпарвар, камтар инсон. Тўрт ойдан бери ҳоким вазифасини бажарувчи сифатида сизларнинг ҳам синовингиздан ўтди. Фарғонага мана шундай билимли, тажрибали одам керак, — деди Президент.

Халқ депутатлари, нуронийлар, ёшлар сўзга чиқиб, номзодни қўллаб-қувватлади. Овозга қўйиш натижаларига кўра, Хайрулло Бозоров Фарғона вилоятининг ҳокими этиб тасдиқланди.

Сессияда давлатимиз раҳбари аввалги ҳоким, айни пайтда Бош вазир ўринбосари лавозимида ишлаётган Шўхрат Ганиев ҳақида фикр билдирди.

— Ганиевнинг энг катта фазилати — у ҳалол одам, ҳаловати йўқ. У кимгадир ёқди, кимгадир ёқмайди. Лекин садоқати бор одам. Оғир синовли йилларда ўзини кўрсатди. У республикамиз қийлоқ ҳўжалигида ҳам ўзининг қаттиққўллиги билан катта ишлар қилишига ишонаман. Шўхрат Мадамниовичга омад тилайман, — деди Шавкат Мирзиёев.

Президент раҳбарларни асраб-

авайлаш, уларнинг ҳурматини жойига қўйиш ҳақида ҳам гапирди.

— Илгари ҳокимни қўяётганда қарсак чалардик, ёмонлаб ишдан олардик, ишдан олганимиздан кейин унутиб юборардик. Бу нотўғри. Ҳоким лавозимини тортмас, кўчага ташлаб қўйиш керак эмас. Битта раҳбарни тайёрлашга 20 йил кетади. Биз асраб-авайлаб тарбия қилган ҳокимларимизни ҳеч қачон хор қилмаслигимиз керак. Ҳоким, шу элни йўлбошчиси бўлган одамни ҳаммамиз ҳурматини ҳам жойига қўйишимиз керак. Фарғонада шунча йил ишлаган одамни Тошкентда раҳбарлик қилиши, уйлаيمانки бу биринчи тажриба. Шу тажриба бўлса вилоятларга ҳам юксин. Бугун бутун республикамиз кўради, илоҳим шу тажрибадан амалда вилоят, туман ҳокимлари ҳам ўзларига ҳулоса қилса мен рози бўлардим. Барибир меҳнат қилган одам ҳеч қачон хор бўлмаслиги керак, — деди давлатимиз раҳбари.

Президент туманлардаги мутасаддиларнинг иш услуби, жойлардаги муаммоларга ҳам тўхталиб ўтди.

— Агар раҳбар оддий, самимий бўлиб, “ерда” юриб, халқнинг дардини билиб, оғирини енгил қилса, унинг ҳурмати ошади. Фақат столда ўтириб, машинада юриш билан обрў ошиб қолмайди. Менинг энг катта ташвишим — қўйи поғонадаги, туман кўчасидаги раҳбарлар ўзига масъулият олмаяпти. Бор имкониятдан тўғри фойдаланиб, фаоллар бирлашиб, кўп масалаларни туман, маҳалланинг ўзида ҳал қилса бўлади. Ҳоким ҳаловатига интилмаслиги, ўзини ишга бағишлаши керак, — деди Президент.

Йиғилишда хизмат вазифасини етарли даражада бажармагани учун Кува, Ўзбекистон ва Ёзёвон туманлари ҳокимлари ҳамда айрим сектор раҳбарлари лавозимидан озод этилгани айтилди.

Таъкидлаш жоиз, ҳозир маҳаллий Кенгашлардаги ҳамма депутатлар ҳам ўз ваколати даражасида фаолият юритмаяпти. Сессияда давлатимиз раҳбари шу ҳақда ҳам тўхталиб, халқ ноиблари депутат деган мақомга муносибми деган саволни қўйди.

— Мен Сенат биносига борганимда уни жайдари тилда “Халқ уйи” деганман. Депутатлар мана шу Халқ уйига киришга муносибми? Виджонимиз олдида жавоб берайлик: халқ вакиллари бир ойда, уч ойда, олти ойда, бир йилда маҳаллий Кенгашларга нечта таклиф берди? У таклиф элимига, маҳалладошларимга, туманимга нима манфаат олиб келди, деган саволга афсуски ижобий жавоб йўқ, — деди давлат раҳбари.

Шундан сўнг Президент вилоятни ижтимоий-иқтисодий ривожлантириш, маҳаллабай тизимда аҳоли турмуш шароитини яхшилаш вазифалари бўйича маъруза қилди.

2021 йилги Мурожаатномада белгиланган бўлиши билан вазифалар асосида, вилоятда янги “ўсиш

нукта”ларини аниқлаш, ҳудудни маҳаллабай комплекс ривожлантириш, аҳоли учун муносиб турмуш шароити яратиш бўйича амалий чора-тадбирлар ишлаб чиқилгани қайд этилди.

Унга кўра, аввало, аҳоли бандлигини ошириш ва тадбиркорлиқни ривожлантириш ҳисобига, камбағалликни қисқартиришга эътибор қаратилади. Бунинг учун ҳар бир маҳалла, ҳар бир оила, ҳар бир фуқаро ҳаётидаги муаммоларни ўрганиш ва ҳал этиш, аҳоли бандлиги ва даромадини ошириш бўйича янги тизим жорий этилаётгани таъкидланди.

Республика ишчи гуруҳи томонидан Фарғона вилояти мисолида маҳаллабай ишларнинг вертикал тизими ишлаб чиқилгани айтилди. Биринчи босқичда банкларнинг малакали мутахассислари вилоятдаги 1041 та маҳаллага номма-ном доимий вакил сифатида бириктирилгани маълум қилинди.

Бу вакиллар маҳаллада ишсиз аҳолини, ёшлар ва аёлларни касб-хунарга ўргатиш ва тадбиркорликка ўқитишни ташкил қилади. Шунингдек, тадбиркорларга кредит олишга ва лойиҳаларини амалга оширишга ёрдам бериб, маҳалла раислари ва фаоллари билан доимий иш олиб боради.

Шаҳар ва туманларни маҳаллабай тизимда ривожлантириш мақсадида вилоятдаги 76 та секторнинг ҳар бирида иқтисодий комплекснинг малакали ходимларидан иборат бошқарув офислари ташкил этилиши айтилди. Бу мутахассислар маҳаллага бириктирилган банк ходимлари билан бирга, жойлардаги шароитни ўрганиб, лойиҳаларни шакллантиради ва амалга оширишга қўллаб-қувватлайди. Зарур бўлса, ишсиз аҳоли, ёшлар ва аёллар касб-хунарга ўргатилади.

Фарғона вилоятда 2021-2022 йилларда умумий қиймати 17 триллион сўмлик 949 та инвестиция лойиҳаси амалга оширилиши таъкидланди. Бунда кимё, тўқимачилик, чарм-пойабзал, қурилиш материаллари, электротехника санаяти “драйвер” бўлади.

Усуosan, “Фарғонаазот” акциядорлик жамиятида жами 537 миллион долларлик 3 та лойиҳа, тўқимачиликда 154 миллион долларлик 14 та лойиҳа амалга оширилди.

Президент мутасаддиларга “Миллий банк” АЖ, “Асака” банки ва “Ўзсаноат-қурилишбанк” билан бирга янги инвестиция лойиҳаларини шакллантириш борасида “лойиҳалар офиси”ни ташкил қилишнинг Фарғона тажрибасини яратиш бўйича топшириқ берди.

Вилоятда ер ресурси чеклангани сабабли чўл жойлар, яйлов ва адирликларда 33 минг гектар ер ўзлаштирилади. Бунга сарфланадиган 350 миллиард сўмлик харажатларнинг 110 миллиард сўми субсидия ҳисобида қўллаб-қувватланади.

Ижтимоий соҳаларни, инфратузилмани ривожлантириш чора-тадбирлари белгиланди. Жорий йилда вилоятнинг

11 та жойида 105 та кўп қаватли уйлар барпо этилиши таъкидланди. 312 миллиард сўм марказлашган маблағлар ҳисобидан 503 километр йўлларни ташмирлаш бўйича вазифа қўйилди.

Янги ташкил этилган Фарғона жамоат саломатлиги тиббиёт институти салоҳиятидан самарали фойдаланган ҳолда, мақсадли тиббий кўрик ва консултациялар ўтказиш, бирламчи тиббиёт бўғинини ривожлантириш учун 16 та оилавий шифокорлик пункти ва оилавий поликлиника ташкил этиш бўйича кўрсатмалар берилди.

Президент ёшлар ва аёллар бандлигини таъминлаш масалаларига алоҳида эътибор қаратди.

Жорий йилда Фарғона вилоятидаги 19 та туман ва шаҳарларда биттадан Ёшлар саноат ва тадбиркорлик зонаси ташкил этилиши, “Ёшлар: 1+1” лойиҳаси доирасида 8 мингдан зиёд ишсизлар тадбиркорлик ва касб-хунарга ўқитилиши белгиланди. Хотин-қизларнинг ўз ишини очилишга қўмаклашиш, муҳтожларнинг уй сотиб олиши учун бошланғич бадал пулларини тўлаб бериш, ажралишларнинг олдини олиш муҳимлиги таъкидланди.

— Юрагимдаги жўшқин тилагим, жонахон халқимизнинг оғирини енгил қилиш. Биринчи кундан жуда катта ҳаракат, изланишдамыз. Бу қарорлар, фармонлар, мажлислар бекорга эмас. Фарғона аҳли буюк эл. Мана шу халққа муносиб бўлиш ва эртанги кунини фаровон қилиш зиммимиздаги муқаддас бурч. Агар салгина ўзгариб, кичкина қадам ташласак, халқимиз бошига кўтараяпти, биздан рози бўляпти. Ҳаммамиз ҳамжиҳат бўлиб, оёғимиз ердан узилмасдан меҳнат қилмас, Фарғонада албатта натижа бўлади, — деди Президент.

Халқ депутатлари сессиясидан сўнг Президент қутилмаганда Фарғона шаҳридаги Шодиёна маҳалласига борди. Маҳалла оралаб юриб, аҳоли билан учрашди.

— Мана, бугун вилоятларингизга янги ҳоким қўйдик. Маҳаллабай ишлаш тизимини жорий қиляпмиз. Ҳақиқий аҳолини билиш, одамларнинг оғирини енгил қилиш учун маҳалланингизга ўзим келдим, — деди Шавкат Мирзиёев аёллар билан суҳбатда.

Онахонлардан бири эртага ўғлининг тўйи бўлишини айтди. Президент уларни табриклаб, ёш оилага бахт, соғлиқ тилади.

Қутилмаган ташрифдан хурсанд бўлган одамлар давлатимиз раҳбарига сикхат-саломатлик, халқимизга тинчлик-фаровонлик тилаб дуолар қилди.

Соҳибқирон Амир Темур кўчаси бўйлаб юрилиб, уй-жойлар, савдо шохобчалари кўздан кечирилди.

Шавкат Мирзиёев маҳалла идорасига кириб, маҳалла раиси ва маслаҳатчилар билан суҳбатлашди. Аҳолининг яшаш шароити, ҳудуддаги муаммоларни сўради. Уларни ҳал этиш бўйича мутасаддиларга кўрсатмалар берди.

Давлатимиз раҳбари Фарғона шаҳри Мустақиллик мавзесида бунёд этилган 2 та 16 қаватли янги турар-жойни кўздан кечирди.

Уйларнинг ҳар бири 80 хонадонли бўлиб, 2-3 хонадан иборат. Ҳозирга қадар вилоятда бундай баланд уй қурилмаган. Шу сабабли қурилишда сейсмология ва замонавий архитектура талабларига алоҳида эътибор берилган. Энергия тежовчи, сифатли маҳаллий қурилиш материалларидан фойдаланилган хонадонлар коммуникация тармоқларига уланган. Биноларнинг совуқ ва иссиққа чидамли бўлиши учун базальт қопламасидан фойдаланилган.

Кўп қаватли уйларнинг ёнида болалар ўйин майдончаси, машиналар тураргоҳи бор.

Режага кўра, мазкур уйларнинг 8 таси ногиронлиги бор ва оғир ижтимоий вазиятга тушиб қолган аёлларга, 32 таси мамакат ижтимоий ҳаётида фаол иштирок этиб, алоҳида намуна кўрсатаётган ёш оилаларга, 120 таси уй-жой шароитини яхшилашга муҳтож оилаларга ажратилган.

Маълумки, Фарғона вилояти мамлакатимизнинг аҳоли энг зич жойлашган ҳудудларидан. Шу сабабли бу каби замонавий кўп қаватли уйларнинг қурилиши аҳолининг уй-жойга бўлган талабини қондириш баробарида ердан унумли фойдаланишда муҳим аҳамият касб этади. Мисол учун, 2 та 16 қаватли уйни қуриш учун 11 сотих ер қиёфа қилди. Бу ерда энди 160 та оила яшайди. Демак, озгина ерда шунча оиланинг уй-жойга бўлган муаммоси ҳал бўлди.

Президентимиз ўтган йили мазкур уйлар қурилиш жараёни билан танишиб, массивда ашайдиган аҳоли фарзандлари учун мактаб ва болалар боғчаси, оилавий поликлиника каби зарур инфратузилмалар объектлари бунёд этиш бўйича топшириқ берган эди. Бугунги кунга келиб Мустақиллик массивида 420 ўринли мактаб фойдаланишга топширилди. 380 ўринли мактабга таълим ташкилоти қурилиши давом этмоқда.

Умуман олганда, кейинги тўрт йил мобайнида вилоятда 2011 хонадонга мўлжалланган 45 та кўп қаватли уй қурилган.

Президентимиз аҳолини уй-жой билан таъминлаш борасидаги ишлар доимий эътиборда бўлишини қайд этди. Бу каби уйлардан фойдаланиш маданиятини ошириш лозимлиги айтилди. Бу уй-жой мулкдорлари ширкатлари ва шу ерда яшовчи аҳоли ҳамкорлигига боғлиқ.

Давлатимиз раҳбари уйларнинг қурилиш технологияси ва сифатини кўздан кечирди. Ёнғин хавфсизлигини, коммунал хизматлар барқарорлигини таъминлаш бўйича мутасаддиларга қўшимча кўрсатмалар берди.

Шу ерда Фарғона шаҳар Мустақиллик массивидаги кўп қаватли уйларнинг ичимлик суви таъминоти ва оқова сув тизимларини қуриш, қурилиш комплексига яратиладиган янги иш ўринлари, 20 хонадонга мўлжалланган 5 қаватли 1 подъездли уйлар қуриш каби қатор лойиҳалар тақдироти ўтказилди.

Давлатимиз раҳбари Фарғона тумани Илғор маҳалласига бориб, ички йўлларни арзон қуришга оид андозаларни кўздан кечирди.

Юртимизда 39 минг километрга яқин ички йўллар тупроқли. Илгари қурилган кўчаларнинг ҳам қўпи ўйдим-чүкүр бўлиб, яроқсиз ҳолга келган. Ушбу барча йўлларга асфальт ётқи-зиш жуда қимматга тушади.

Шу бодис қум-шағал, оҳак тош, чаққоқ тош, цемент каби маҳаллий материаллар аралашмасидан 5 хил қоплама варианты тайёрланган.

Шавкат Мирзиёев ушбу намуналарни кўздан кечирди. Соҳа мутахассислари йўл қопламаларининг таркиби, таннаҳи, сифати бўйича маълумот берди.

Президент бу ишланмаларни қўллаб-қувватлаб, уларни муҳандислик жиҳатида такомиллаштириш, хом ашё захиралари ва зарур техникаларни аниқ ҳисоб-китоб қилиб, энг маъқулини танлаш кераклигини таъкидлади.

Шу билан давлатимиз раҳбарининг Фарғона вилоятига ташрифи якунланди.

Матназар ЭЛМУРОДОВ,
Зиёдулла ЖОНИБЕКОВ,
Авобек ХУДОЙҚУЛОВ,
Абдулазиз МУСАЕВ,
Ўза мухбирлари.

Ўзбекистон Республикаси Президенти Матбуот хизмати сурати.

Ўзбекистон Республикаси Президентининг ФАРМОНИ Х.Х.БОЗАРОВНИ ФАРҒОНА ВИЛОЯТИ ҲОКИМИ ЛАВОЗИМИГА ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига асосан ҳамда халқ депутатлари Фарғона вилоят Кенгашининг қарорига мувофиқ **Хайрулло Хайитбаевич Бозоров** Фарғона вилояти ҳокими лавозимига тайинлансин.

Ўзбекистон Республикаси
Президенти **Ш. МИРЗИЁЕВ**

Тошкент шаҳри,
2021 йил 5 февраль

Ўзбекистон Республикаси Олий Мажлиси Сенатининг ўн иккинчи ялпи мажлиси тўғрисида АХБОРОТ

2021 йил 5 февраль кун
Тошкент шаҳрида Ўзбекистон Республикаси Олий Мажлиси Сенатининг ўн иккинчи ялпи мажлиси бўлиб ўтди.

Видеоконференцалоқа шаклида ўтказилган ялпи мажлисда сенаторлар, Вазирлар Маҳкамасининг масъул ходимлари, вазирлик ва идоралар раҳбарлари, Сенат ҳузуридаги Ёшлар парламенти аъзолари ҳамда оммавий ахборот воситалари вакиллари иштирок этди.

Ялпи мажлисни Ўзбекистон Республикаси Олий Мажлиси Сенати Раиси Танзила Норбоева олиб борди.

Ялпи мажлис иши Олий Мажлис Сенатининг расмий веб-сайти ва ижтимоий тармоқлардаги саҳифалари ҳамда “Эзрпорт” телеканалда тўғридан-тўғри эфирга узатилди.

Сенат аъзолари томонидан 20 та масала, шу жумладан, 6 та қонун муҳокама қилинди.

Дастлаб Олий Мажлис Сенатининг 2020 йилдаги фаолияти ва 2021 йилга мўлжалланган устувор вазифалари қўриб чиқилди.

Таъкидланганидек, Ўзбекистон Республикаси Олий Мажлиси Сенати 2020 йилда Конституция ва қонунларда белгиланган ваколатлари, қолаверса, Ўзбекистон Республикаси Президенти Шавкат Мирзиёевнинг 2020 йил январда парламент палаталарида сўзлаган нутқлари ҳамда Олий Мажлисга йўлланган Мурожаатномасида акс этган вазифалардан келиб чиқиб фаолият юритди.

Қонунчилик йўналишида 71 та қонун қўриб чиқилди. Шундан 65 та қонун маъқулланди, 6 таси рад этилди. Уларни ҳудудлар манфаатлари нуктаи назаридан танқидий-таҳлилий қўриб чиқишга алоҳида эътибор қаратилди. Қонунлар олимлар, экспертлар, тажрибали амалиётчиларни жалб қилган ҳолда қўмиталар ҳузурида тузилган ишчи гуруҳлар томонидан, маҳаллий Кенгашларда муҳокама қилинди.

Яна бир жиҳат. Ҳудудларни ижтимоий-иқтисодий ривожлантиришга оид муаммоларни ўрганиш якунлари бўйича Ҳукуматга 3 мингдан ортиқ масалалар ҳал этиш учун қиртилди. Мазкур тақлифлар асосида 2021 йилги Давлат бюджетни параметрлари ва инвестиция дастурлари доирасида 8 триллион сўмдан ортиқ маблағ ажратилишига эришилди.

Қолаверса, парламент назорати доирасида қатор вазирлик, идора ва ташкилотлар раҳбарлари, ҳокимларнинг ҳисобот ва ахборотлари эшитилди.

Ўзбекистоннинг хорижий давлатдаги дипломатик ваколатхонаси раҳбарининг ҳисоботини эшитиш амалиёти йўлга қўйилиб, 10 нафар элчининг ҳисоботи эшитилди.

(Давоми 2, 3-бетларда).

Парламент вилотиаси

Ўзбекистон — Италия: ҲАМКОРЛИКНИНГ ИСТИҚБОЛЛИ ЙЎНАЛИШЛАРИ БЕЛГИЛАБ ОЛИНДИ

Кеча Олий Мажлис Қонунчилик палатасидаги Италия парламенти билан ҳамкорлик гуруҳи аъзоларининг Италия парламенти қуйи палатасидаги “Италия — Марказий Осиё” дўстлик гуруҳи раиси Симоне Суриано билан онлайн мулоқоти бўлиб ўтди.

Таъкидлаш керакки, Италия — Марказий Осиё” дўстлик гуруҳи аъзолари, Ўзбекистон Республикасининг Италиядаги ҳамда Италия Республикасининг мамлакатимиздаги дипломатик ваколатхоналари раҳбарлари ва Агостино Пинна қатнашди.

Қайд этилганидек, сўнгги йилларда Ўзбекистон — Италия муносабатлари динамика тарзда ривожланиб бормоқда. Ўзаро товар айирбошлаш ҳажми 2019 йилда 400 миллион АҚШ долларидан ошди. Гарчи, пандемия туфайли 2020 йилда ушбу рақам бир оз пасай-

ган бўлса-да, келгусида ўсиш суръатлари яна шиддат билан давом этиши учун асослар мавжуд.

Ўзбекистон ва Италия ўртасидаги муносабатлар икки томонлама ҳамда кўп томонлама характерга эга бўлиб, ҳамкорликда сезиларли ютуқларга эришилмоқда. Охириги йилларда парламентлар, вазирликлар ва идоралар, ишбилармон ҳамда илмий-академик доиралар, шунингдек, минтақавар ўртасидаги алоқалар сезиларли даражада жонланди ва доимий тус олди.

Ўзбекистон Республикаси Олий Мажлиси Сенатининг ўн иккинчи ялпи мажлиси тўғрисида АХБОРОТ

(Давоми. Бошланиши 1-бетда).

Хар чорақда Ҳукуматнинг ҳамда молия вазирининг Давлат дастури ижросининг бориши ва Давлат бюджети ихроси тўғрисидаги ҳисоботлари муҳокама этилди.

Сенат кўмиталари томонидан назорат-таҳлил фаолияти доирасида 49 та ўрганиш ўтказилиб, тегишли қарорлар қабул қилинди.

Ҳукумат аъзолари ва ҳуқуқни муҳофаза қилувчи органларга 13 та парламент сўрови юборилди. Сенаторлар томонидан жойлардаги долзарб ижтимоий-иқтисодий масалалар, аҳолини ташвишга солаётган муаммолар юзасидан мутасадди вазирлик, идора ва ташкилотлар раҳбарларига қарийб 400 та сўров юборилди.

Бундан ташқари, жисмоний ва юридик шахсларнинг 14 376 та муножаати кўриб чиқилди. 3 мингга яқин муножаатлар алоҳида назоратга олиниб, атрофчила ўрганилди. Жумладан, 2 мингдан зиёд муножаатлар бўйича муаллифларга тушунтириш берилди, 700 га яқин ариза ва шикоятлардаги масалалар асосли деб топилиб, ижобий ҳал этилди.

Халқаро парламент муносабатлари доирасида хорижий давлатлар, халқаро ташкилотлар, халқаро молия тузилмалари ва бизнес вакиллари билан ўтказилган 80 дан зиёд учрашувларда ҳамкорлик истиқболлари муҳокама қилинди. Хорижий давлатлар парламентлари билан алоқаларни тизимли равишда ривожлантириш мақсадида 40 дан зиёд парламентлараро гуруҳлар тuzилди.

Халқ депутатлари маҳаллий Кенгашлари фаолиятига кўмаклашиш йўналишида 13 та қонунга тегишли ўзгариш ва қўшимчалар киритилиб, маҳаллий Кенгашларнинг ваколатлари кенгайтирилди. Барча даражадаги маҳаллий Кенгашларда алоҳида котибиятлар ташкил этилди, Сенат Кенгаши қарори билан уларнинг намунавий низоми ва тузилмаси тасдиқланди.

Мажлисда Ўзбекистон Республикаси Олий Мажлиси Сенатининг 2021 йилга мўлжалланган устувор вазифалари тўғрисида ахборот берилди.

Сенат кўмиталари ва девони “Ёшларни қўллаб-қувватлаш ва аҳоли саломатлигини мустаҳкамлаш йили” да амалга оширишга оид Давлат дастуридан келиб чиқиб, Сенатнинг Ҳаракатлар дастурини ишлаб чиқиши, унда коронавирус пандемиясига қарши кураш ва унинг оқибатларини бартараф этиш, бунда эпидемиологик вазиятни барқарорлаштириш, касалликка қарши оммавий эмлаш тадбирларини ўтказиш, ижтимоий-иқтисодий соҳа ва тармоқлар ҳамда ҳудудларни ривожлантириш бўйича амалга оширилаётган ишларни доимий ўрганиб бориш зарурлиги таъкидланди.

Бундан ташқари, Ўзбекистон Республикаси Президентининг Олий Мажлисга йўллаган Муножаатномасида белгиланган вазифаларнинг ҳаётга татбиқ этилишини таъминлаш, яъни ҳудудларда ёшлар масалалари ва соғлиқни сақлаш муаммоларини тизимли равишда ўрганиш ва ҳал этиш ишларини янада кучайтириш, “Ёшлар дафтарига” киритилганлар билан ишлаш, уларнинг бандлигини таъминлаш, касб-ҳунарларга ўргатиш, қафолатланган ижтимоий ёрдамдан тўлиқ фойдаланишига кўмаклашиш, бизнес ташаббусларини қўллаб-қувватлаш, бўш вақтини маъмули ташкил этиш, аҳолини ижтимоий қўллаб-қувватлаш, камбағалликни қисқартириш бўйича комплекс ёндашув ва ностандарт усуллари жорий этиш масалаларига алоҳида эътибор қаратиш лозимлиги билдирилди.

Қонунчилик фаолиятини янада самарали ташкил этиш, назорат-таҳлил тадбирлари натижадорлиги оширилишини таъминлаш, парламент назорати доирасидаги тадбирларда Ҳукумат аъзолари, вазирлик ва идоралар, қонловсера, ҳудудлар раҳбарлари иштирокини таъминлаган ҳолда аҳолини ташвишга солаётган муаммоларга тезкорлик билан ечим топиш чораларини қўриш, белгиланган вазифалар ихросига факатгина вазирлик ва идоралар томонидан тақдим этилган маълумотлар асосида баҳо бермасдан, балки муқобил манбалардан фойдаланиш, мустақил изланишлар олиб бориш, шу жумладан, фуқаролик жамияти институтлари билан ҳамкорликни кучайтиришга устувор аҳамият қаратиш зарурлиги қайд этилди.

Шунингдек, халқ депутатлари маҳаллий Кенгашлари фаолиятига кўмаклашиш, халқаро ва парламентлараро ҳамкорлик муносабатларини янада кенгайтириш, халқ билан мулоқот, хусусан, жисмоний ва юридик шахсларнинг муножаатлари билан ишлаш, ОАВ, жумладан, ижтимоий тармоқларда қўрилган муаммоларга муносабат билдириш, зарур ҳолларда муаммо ечимига бевосита масъул бўлган мутасадди вазирлик ва идора раҳбарларининг ахборотини Сенат ёки кўмита мажлисларида эшитишга доир тақлиф ва ташаббусларни илгари суриш лозимлиги таъкидланди.

Мазкур масала юзасидан Олий Мажлиси Сенатининг тегишли қарори қабул қилинди.

Шундан кейин Ўзбекистон Республикаси Марказий сайлов комиссиясининг таркибига ўзгаришлар киритиш тўғрисидаги масала кўриб чиқилди.

Сенат аъзолари Қарши муҳандислик-иқтисодиёт институти ректори Базоров Орифхон Шадиевич, “Навоийзоат” акциядорлик жамияти ижтимоий ва маъшии масалалар бўйича бўлим бошлиғи Джурбаев Шухрат Низамович, Ўзбекистон соғлиқни сақлаш ходимлари касаба уюшмаси Республика Кенгашининг Сурхондарё вилояти бўйича масъул ташкилотчиси Кадирова Мўнасир Джумаевна, Ўзбекистон Республикаси адлия вазирининг ўринбосари Қўчқоров Бахром Тўлқенович, Ўзбекистон Республикаси Олий Мажлиси Сенати Раисининг ўринбосари Низамходжаев Зайниддин Маҳаматович, Жиззах политехника институтини ректори Усмоновлов Алишер Қодирқулович, “Ўзэлектронгапарат” АЖ бошқарув раиси маслаҳатчиси Фарманов Александр Касимович, Хоразм

вилояти касаба уюшмалари ташкилотлари бирлашмаси кенгаши раиси Юсупов Эргаш Аманбаевични Ўзбекистон Республикаси Марказий сайлов комиссиясининг аъзолари этиб сайлаш тўғрисида қарор қабул қилди.

Шунингдек, ушбу қарор билан Ўзбекистон Республикаси Марказий сайлов комиссиясининг аъзолари М.З.Абдусаломов, О.Бобожонов, М.А.Джурбаев, Ж.Х.Норов, Э.Ражабов, Ж.Садиқов ва Э.Г.Ходжакуловнинг ваколатлари тугатилди.

Шундан сўнг сенаторлар Ўзбекистон Республикаси Конституциявий судининг таркибига ўзгаришлар киритиш тўғрисидаги масалани кўриб чиқди.

Ўзбекистон Республикаси Конституциясининг 80-моддаси 2-бандига ва “Ўзбекистон Республикаси Олий Мажлисининг Сенати тўғрисида”ги Ўзбекистон Республикаси Конституциявий Қонуни 9-моддаси биринчи қисмининг 2-бандига мувофиқ, Мирзо-Улугбек Элчиёвич Абдусаломовни Ўзбекистон Республикаси Конституциявий судининг судьяси этиб сайлаш тўғрисида Олий Мажлиси Сенатининг қарори қабул қилинди.



Шунингдек, Ўзбекистон Республикаси Конституциявий судининг судьяси Бахтиёр Дехқонбоевич Миралимовнинг ваколати мuddатидан илгари тугатилди.

Сўнгра Ўзбекистон Республикаси Олий Мажлисининг Инсон ҳуқуқлари бўйича вакили (омбудсман)ни сайлаш тўғрисидаги масала кўриб чиқилди.

Феруза Фарходовна Ёшматовани Ўзбекистон Республикаси Олий Мажлисининг Инсон ҳуқуқлари бўйича вакили (омбудсман) этиб сайлаш тўғрисида Олий Мажлиси Сенатининг қарори қабул қилинди.

Шу муносабат билан Ўзбекистон Республикаси Олий Мажлиси Сенатининг Хотин-қизлар ва гендер тенглик масалалари кўмитаси раиси сайлаш тўғрисидаги масала ҳам кўриб чиқилди.

Таъкидланганидек, тараққиётимизнинг ҳозирги босқичида хотин-қизлар ва гендер тенглик масаласи низоҳатда долзарб ва бу давлатимиз сиёсатининг муҳим йўналишларидан бирига айланди. Шу маънода, Сенатнинг Хотин-қизлар ва гендер тенглик масалалари кўмитаси зиммасидаги вазифалар кўлами низоҳатда кенг. Мазкур кўмитага раҳбарлик қилиш кишидан катта билим, ҳаётий тажриба, мулоҳазаскорлик, қатъият, ташаббускорлик ва шижоатли талаб қилади.

Мажлисда мазкур кўмита раислигига сенатор Малика Акбаровна Қадирханова сайланди.

Малика Акбаровна 2015 — 2019 йилларда Тошкент вилояти Хотин-қизлар тадбиркорлик маркази раҳбари сифатида хотин-қизлар ўртасида тадбиркорликни ривожлантириш бўйича қўллаб-қўллаб натижаларга эришган. Биргина мисол, вилоятда тадбиркор аёллар 2015 йилда 300 нафарни ташкил этган бўлса, Қадирханованинг жонқурлиги ва ташаббускорлиги билан 2019 йилда уларнинг сони 4 мингдан ошган. Тошкент вилоятида “Ноғирон тадбиркор аёллар” ассоциацияси ташкил этилиши ҳам бевосита Малика Акбаровнанинг сазй-ҳаракатлари натижасидир.

У 2018 йилда “Дўстлик” ордени билан тақдирланган.

М.Қадирханова шу кунга қадар Сенатнинг Бюджет ва иқтисодий ислохотлар масалалари кўмитасида фаолият юритаётган эди.

Шундан сўнг парламент юқори палатаси аъзолари Ўзбекистон Республикаси Олий суди таркибига ўзгаришлар киритиш тўғрисидаги масалани кўриб чиқди.

Ўзбекистон Республикаси Конституциясининг 80-моддаси 3-бандига ва “Ўзбекистон Республикаси Олий Мажлисининг Сенати тўғрисида”ги Ўзбекистон Республикаси Конституциявий Қонуни 9-моддаси биринчи қисмининг 3-бандига мувофиқ, Халилйилло Собиржонович Тўраҳужаевни лавозимда бўлишининг мuddатсиз даврига Ўзбекистон Республикаси Олий суди раисининг ўринбосари — фуқаролик ишлари бўйича судлов ҳайъати раиси лавозимига сайлаш тўғрисида қарор қабул қилинди.

Шунингдек, мазкур қарор билан Лукмон Мухтарович Қадиров, Талъатжон Бахтиёрович Мелибоев, Абдурашул Гаппорович Эранов бошқа ишга ўтганлиги муносабати билан Ўзбекистон Республикаси Олий судининг судьяси лавозимидан озод этилди.

Шундан кейин 2017 — 2021 йилларда Ўзбекистон Республикасини ривожлантиришнинг бешта устуви йўналиши бўйича

Ҳаракатлар стратегиясини “Илм, маърифат ва рақамли иқтисодиётни ривожлантириш йили” да амалга оширишга оид Давлат дастурининг 2020 йилдаги ихроси бўйича Вазирлар Маҳкамасининг ҳисоботи эшитилди.

Таъкидлаш жоизки, Давлат дастури доирасида жами 170 та, шундан давлат ва жамият қурилиш тизимини тақомиллаштиришнинг устувор йўналишлари бўйича — 20 та, қонун устуворлигини таъминлаш ва суд-ҳуқуқ тизимини янада ислох қилишнинг устувор йўналишида — 13 та, иқтисодиётни ривожлантиришнинг устувор йўналишида — 63 та, ижтимоий соҳани ривожлантиришнинг устувор йўналишида — 53 та, хавфсизлик, миллатлараро тотувлик ва диний бағрикенгликни таъминлаш ҳамда чуқур ўйланган, ўзаро манфаатли ва амалий ташқи сиёсат соҳасидаги устувор йўналишида 21 та ҳужжат қабул қилинган.

Ҳисобот даврида ялпи ички махсулотнинг ўсиши ўтган йилдагига нисбатан 101,6 фоизни, шундан, саноат — 100,7 фоизни, хизматлар — 102,3 фоизни, қишлоқ, ўрмон ва балиқчилик ҳўжалиги — 103,0 фоизни ташкил қилган.



Савдо ва хизмат кўрсатиш объектлари фаолиятининг пандемия шароитида чекланиши жорий йилда савдо айланмасига ҳамда хизматлар соҳасининг ривожланишига салбий таъсир кўрсатган. Жумладан, савдо айланмаси ҳажми 194,8 триллион сўмни ташкил қилиб, ўтган йилдагига нисбатан 103,2 фоиз баъжарилган.

Жами хизматлар ҳажми 218,9 триллион сўмни ташкил этиб, ўтган йилдагига нисбатан 102,3 фоиз ўсган. Молия соҳасида 25,6 фоиз, алоқа ва ахборотлаштириш соҳасида 115,3 фоиз, таълим соҳасида 7,4 фоиз кўрсатилган хизматларда юқори ўсаш қайд этилган.

Коронавирусга қарши курашиш бўйича тадбирларни молиялаштиришга 3 триллион 962 миллиард сўм, ижтимоий ва инфратузилма объектиларини қуриш, реконструкция қилиш ва капитал таъмирлашга 3 триллион 423 миллиард сўм, қорхона-ларни молиявий қўллаб-қувватлашга 2 триллион 485 миллиард сўм, аҳолини ижтимоий қўллаб-қувватлашни кенгайтиришга 1 триллион 340 миллиард сўм, соғлиқни сақлаш объектиларини қуриш ва зарур инфратузилмани яратишга 1 триллион 22 миллиард сўм, маҳаллий бюджетлар ва пенсия жағмармаси йўқотишларини қоплашга 595 миллиард сўм миқдорида маблағлар сарфланган.

Ҳисобот даврида хорижий инвестициялар ва кредитлар ҳисобидан 9,8 миллиард АКШ доллари миқдорида маблағлар ўзлаштирилган.

2020 йилда 197 та йирик лойиҳа ишга туширилган. Натижада жами 38 мингдан ортиқ янги иш ўринлари яратилган.

Шу билан бирга, Давлат дастурининг 58 та банди ихроси юзасидан ишлаб чиқилган норматив-ҳуқуқий ҳужжат лойиҳалари масъул идоралар томонидан кўриб чиқилмоқда, 20 та банднинг ижро мuddати узайтирилган.

Мажлисда сенаторлар томонидан Дастурда белгиланган вазифаларнинг ҳудудлар кесимида ўз вақтида ва сифатли бажарилганлиги бўйича ўрганишлар ўтказиш ва аниқланган камчиликларни бартараф этиш мақсадида тегишли вазирлик ва идоралар, маҳаллий ҳокимият органлари билан ҳамкорликда иш олиб бориш лозимлиги таъкидланди.

Мазкур масала юзасидан Олий Мажлиси Сенатининг тегишли қарори қабул қилинди.

Сўнгра Боёвут, Бўстон, Олот, Тўрақўргон, Қарши туманларини ва Каттақўргон шаҳрини 2020 — 2022 йилларда ижтимоий-иқтисодий ривожлантириш ва камбағалликни қисқартириш чора-тадбирлари дастуриларининг ихросини ўрганиш натижалари тўғрисидаги масала ҳам муҳокама марказида бўлди.

Таъкидланганидек, Дастурлар ихроси юзасидан мазкур ҳудудларда муайян ишлар амалга оширилган. Хусусан, саноат, хизмат кўрсатиш ва қишлоқ ҳўжалиги соҳаларини ривожлантириш йўналишида қарийб 737,3 миллиард сўмлик 248 та инвестиция лойиҳаси ишга туширилиб, 2 700 дан зиёд янги иш ўринлари яратилган.

Ижтимоий инфратузилмани ривожлантириш бўйича белгиланган тадбирлар доирасида 6 та мактабгача таълим ташкилоти, 7 та умумтаълим мактаби ва 3 та соғлиқни сақлаш муассасаси бинолари реконструкция қилинган ва мукамал таъмирдан чиқарилган.

Мазкур ҳудудлардаги 139,2 километр газ тармоқлари, 28 та газ тақсимлаш қурилмаси, 59 километр электр узатиш тармоқлари таъмирланган ва 50 та трансформатор ўрнатилган.

Аҳолини тоза ичимлик суви билан таъминлаш мақсадида 2 та сув иншооти қурилиб, 479,7 километр ичимлик ва оқова сув тармоқлари тортилган.

Шу билан бирга, мажлисда дастурларда белгиланган маблағлар ўз вақтида ажратилмаганлиги сабабли бир қатор тадбирларнинг бажарилиши таъминланмагани таъкидланди.

Хусусан, 2020 йилда амалга оширилиши белгиланган 120 ўринли 1 та умумтаълим мактаби, жами 320 ўринли 2 та мактабгача таълим муассасаси, 4 та соғлиқни муассасаси, 1 та спорт комплекси, 2 та сув иншооти, 1 та ирригация ва 2 та бошқа турдаги объектларда қурилиш-таъмирлаш ишлари республика бюджетидан маблағ ажратилмаганлиги сабабли бошланмаган.

Йўл инфратузилмасини яхшилаш орқали жамоат транспорти ҳаракати ва аҳоли учун қулайлигини таъминлаш юзасидан Боёвут тумани ҳудудидан ўтувчи 9 километр маҳаллий аҳамиятга эга автомобиль йўллари, Каттақўргон шаҳридаги 69,6 километр ва Тўрақўргон туманидаги 70 километр ички йўллар жорий таъмирдан чиқарилмаган.



Қарши туманида 9 та трансформатор ўрнатиш ва 27,5 километр электр узатиш тармоқларини қуриш ҳамда реконструкция қилиш ишлари амалга оширилмаган, энергетика соҳаси бўйича белгиланган 40 та топшириқдан 33 тасининг ихроси таъминланмаган.

Каттақўргон шаҳридаги 37 та кўп қаватли уй-жойларни таъмирлаш ишлари учун дастурда белгиланган манбалардан маблағлар йўналтирилмаганлиги натижасида амалий ишлар бошланмаган.

Қарши туманида кўп қаватлиги 50 дан ортиқ уй-жойларнинг том, фасад ва қириш йўллари таъмирлаш бўйича аҳоли маблағлари ва тижорат банкларининг кредит маблағларини жалб этиш юзасидан маҳаллий ҳокимлик томонидан зарур чора-тадбирлар қўрилмаган.

Ўрганиш давомида аниқланган муаммо ва камчиликларни бартараф этиш юзасидан Сенат ишчи гуруҳи томонидан олиб бориладиган амалий ишлар натижасида 1 миллиард 572 миллион сўмлик 17 та тадбир ихроси таъминланишига эришилди.

Мажлисда мазкур ҳудудларни 2020 — 2022 йилларда ижтимоий-иқтисодий ривожлантириш ва камбағалликни қисқартириш чора-тадбирлари дастурининг ихросини ўрганиш давомида аниқланган камчиликларга ургу берилди. Сенат аъзолари уларни бартараф этиш борасида ўз тақлиф ва тавсияларини билдирди.

Кўриб чиқилган масала юзасидан Олий Мажлиси Сенатининг тегишли қарори қабул қилинди.

Шундан сўнг “Сайлов қонунчилиги тақомиллаштирилиши муносабати билан Ўзбекистон Республикасининг айрим қонун ҳужжатларига ўзгариш ва қўшимчалар киритиш тўғрисида”ги Ўзбекистон Республикаси қонуни муҳокама қилинди.

Мамакатимизда сўнгги йилларда Ўзбекистон Республикаси Президентини сайлов билан давлат ҳокимияти вакиллик органларига сайловларини очик, шаффоф ва мустақиллик принциплари асосида ўтказишда халқ ҳокимияти ва сиёсий плурализмнинг ҳуқуқий асосларини мустаҳкамлаш ва сайлов тизимини босқичма-босқич модернизациялаш бўйича бир қатор амалий чоралар қўрилди.

Бирок 2019 йилда бўлиб ўтган парламент сайловларида юзага келган бир қатор камчилик ва муаммоларни бартараф этиш, халқаро ташкилотларнинг айрим мақбул тавсияларини миллий қонунчиликка имплементация қилиш орқали мамлакатимизда ушбу соҳада амалга оширилаётган кенг кўламли ислохотлар мохиятини халқаро ҳамжамиятга етказиш зарурати тугилди.

Ушбу қонун сайлов жараёнига нисбатан ягона шаффоф ва самарали ёндашувларни назарда тутган ҳолда ишлаб чиқилган бўлиб, унга бир қатор ўзгаришлар киритилган.

Жумладан, миллий экспертлар тавсиялари асосида ишлаб чиқилган тақлифлари асосида халқ депутатлари туман (шаҳар) Кенгашларига сайлов ўтказувчи округ сайлов комиссиялари институти тугатилмоқда ва уларнинг ваколатлари туман (шаҳар) сайлов комиссиялари зиммасига юкланмоқда. Шунингдек, хорижда истиқомат қилаётган Ўзбекистон фуқароларини дипломатик ваколатхоналарнинг консуллик хисобида бўлиши ёки бўлмаганидан қатъи назар, сайловоларни рўйхатига киритиш тартиби, чет давлатларда сайловлардан яшаётган ёки ишлаётган жойида кўчма кутиларда овоз беришнинг ҳуқуқий асослари яратилмоқда.

Бундан ташқари, қамоқда сақлаш ва

озодликдан маҳрум этиш жойларида, ҳарбий қисмларда ташкил этилган сайлов участкаларини кузатувчилар ўз ташрифи ҳақида камда 3 кун олдин хабардор қилиш тартиби белгиланмоқда.

Европада хавфсизлик ва ҳамкорлик ташкилотининг Демократик институтлар ва инсон ҳуқуқлари бўйича бюросининг тавсиялари асосида бир қатор ўзгаришлар киритилмоқда. Яъни:

сайлов комиссияларининг номзодларнинг сайловчилар билан учрашувларини ташкил этишга оид вазифаси чиқариб ташланмоқда;

сайловолди ташвиқоти даврида давлат ресурсларидан фойдаланиш тақиқланмоқда;

сайлов натижаларини эълон қилиш мuddатларининг асоссиз қўзилишининг олдини олиш мақсадида сайлов комиссиялари қарорлари устидан шикоят мuddати 10 кундан 5 кунга қадар қисқартирилмоқда;

сиёсий партияларнинг сайловолди ташвиқоти учун ажратилган маблағлардан фойдаланишнинг шафдофлигини таъминлаш мақсадида улар томонидан сайловдан олдин оралик ва сайловдан сўнг яқин икки молиявий ҳисоботларни, шунингдек, Ҳисоб палатасининг партиялар фаолиятини текшириш натижаларини эълон қилиш тартиби жорий этилмоқда.

Амалдаги қонунчиликка мувофиқ Президентлик сайлови, Олий Мажлиси Қонунчилик палатасига ҳамда маҳаллий вакиллик органларига сайловлар тегишлинча уларнинг конституциявий ваколат мuddати тугайдиган йилда — декабрь ойи учинчи ўн кулигининг биринчи яқшанбасида ўтказилади.

Киритилаётган ўзгаришлар билан сайловларнинг октябрь ойида ўтказиш тақлиф қилинди.

Сенаторларнинг фикрича, қонуннинг қабул қилиниши умумэтироф этилган халқаро сайлов стандартлари асосида сайлов қонунчилигини янада тақомиллаштирадиган, сайлов жараёнларининг янада очик ва ошқора ўтиши, Ўзбекистоннинг халқаро мамлакатлари демократия индексидаги кўрсаткичлари яхшиланишига эришилади. Шунингдек, сайловлардан кейин олий давлат органларини ўз вақтида шакллантириш ва муҳим сиёсий қарорларни қабул қилиш учун замин яратди. Ушбу ҳужжат билан фуқароларнинг сайловларда фаол иштирок этишига эришилади ҳамда кузатувчилар ва сайловчилар учун қулай шароитлар яратилади.

Мазкур ўзгариш ва қўшимчалар киритилиши мамлакатимизнинг ижтимоий-сиёсий ҳаётида муҳим аҳамият касб этди ва ошқоралик, шафдофлик, ҳаққончилик, ҳолислик каби демократик принципларни ўзида акс эттирди.

Қонун сенаторлар томонидан маъқулланди.

Шундан сўнг “Аудиторлик фаолияти тўғрисида”ги Ўзбекистон Республикаси қонуни муҳокама қилинди.

Қайд этилганидек, амалдаги қонун 2000 йилда қабул қилинган бўлиб, ислохотлар тугайли сўнгги йилларда аудит бозориди рўй берган ўзгаришлар унинг тўғридан-тўғри амал қилиш сифатларини пасайтириб, самарасиз, бугунги талабларга тўлиқ жавоб берадиган ҳолга келтирган.

Янги қонун эса иқтисодиётни либераллаштиришда институционал ўзгаришларнинг чуқурлашувида муҳим ўрин тутуши таъбиий.

Ушбу қонун халқаро принциплар ва илгор хорижий тажрибалар асосида аудиторлик фаолиятини тартибга солишининг самарали ташкилий-ҳуқуқий механизмини яратиш мақсадида ишлаб чиқилган.

Мазкур ҳужжат бозор иқтисодиёти талабларига жавоб берадиган аудиторлик хизматини ташкил этиш, иш сифати ва аудиторлик касбининг нуфузини оширишнинг ҳам назарда тутди.

Қонуннинг муҳим жиҳатларидан яна бири — аудиторлик фаолиятининг лицензиялангандаги фаолият турлари таркибидан чиқарилишининг белгиланаётгани ҳамдир.

Яна бир жиҳат. Қонун билан аудиторлик фаолияти фақат Аудитнинг халқаро стандартлари асосида амалга оширилиши қатъийлаштирилмоқда. Маъжбурий аудиторлик текширувидан ўтиши зарур бўлган ижтимоий аҳамиятга эга ташкилотлар рўйхати ҳам шакллантирилмоқда.

Умуман олганда, аудиторлик фаолиятини тартибга солидиган қонунда ва нормалар ҳамда меъёрий ҳужжатларни ягона норматив-ҳуқуқий ҳужжатда жамлаш тизимлашмоқда.

Шунингдек, аудиторлик ташкилотларига қулайлик ва енгилликлар яратиш мақсадида уларнинг устав капиталли миқдорида бўлган талаб бекор қилинмоқда ҳамда улардаги аудиторларнинг энг кам сони камиде тўрт нафар бўлиши ҳам назарда тутилмоқда.

Халқаро амалиётдан келиб чиққан ҳолда айнан битта ҳўжалик юритувчи субъектда аудиторлик текширувини кетма-кет етти йилгача ўтказишга рўхсат берилмоқда.

“Таваккалчилик-тахлили” асосида аудиторлик ташкилотлари иши сифатини ташқи назоратдан ўтказиш ва унинг натижаларини ваколатли давлат органи ва аудиторлар республика жамоат бирлашмаларининг расмий веб-сайтида эълон қилиш назарда тутилмоқда.

Қонун сенаторлар томонидан маъқулланди.

Сўнгра “Ўзбекистон Республикасининг Жиноят ҳақда Жиноят-процессуал кодексларига ўзгариш ва қўшимчалар киритиш ҳақида”ги Ў

Ўзбекистон Республикаси Олий Мажлиси Сенатининг ўн иккинчи ялпи мажлиси тўғрисида АХБОРОТ

(Давоми. Бошланиш 1, 2-бетларда).

Мазкур қонуннинг ҳаётга татбиқ этилиши одам савдосидан жабрланган фуқароларнинг ҳуқуқ ва қонуний ман-фаатларини кафолатли ҳимоя қилиш, шу тариқа ошқаро майдонда давлатимиз ну-фузи хошига, бу борада амалга оши-рилаётган ишлар тўғрисида ҳолис ва тўри маълумотларни кенг жамоатчилик ҳамда халқаро ҳамжамиятга етказишга ёрдам беради.

Қонун сенаторлар томонидан маъқул-ланди.

Шундан кейин сенаторлар “Ўзбекис-тон Республикасининг айрим қонун ҳуж-жатларига ўзгартишлар киритиш тўғри-сида”ги Ўзбекистон Республикаси қону-нини муҳокама қилди.

Таъкидланганидек, Сенат аъзолари то-монидан “Норматив-ҳуқуқий ҳужжатлар тўғрисида”ги Ўзбекистон Республикаси қону-ни маъқулланган эди. Унда норма-тив-ҳуқуқий ҳужжатлар тушунчаси, турла-ри, ушбу ҳужжатларнинг узаро нисбатини белгилаш, шунингдек, уларни режа-лаштириш, ташаббус қилиш, тайёрлаш, келишиб олиш, қабул қилиш, эълон қилиш, уларнинг ижросини ташкил этиш-ни таъминлаш соҳасидаги муносабатлар-ни тартибга солиш белгиланган эди.

Қабул қилинган қонуннинг асосий принциплари этиб қуйидагилар:

- қайси норматив-ҳуқуқий ҳужжатлар қонуности ҳужжатлар эканлиги;
- конституциявий қонунлар ва кодекс-лар нимади ифодалашини;
- қонуности ҳужжатларини тартибга солиш доираларини белгилаш, уларда жисмоний ва юридик шахслар учун жа-вобгарлиқни, шунингдек, ҳўжалик бошқа-руви органларининг ваколатларига кирув-чи масалаларни ҳамда корпоратив муно-сабатларни тартибга солишни назарда тутадиган ҳуқуқий нормалар аниқ белги-ланган.

Унинг мантиқий давоми сифатида ушбу қонун билан 5 та Конституциявий Қонун, 294 та қонун ва 1 та Олий Мажлис қаро-рига ўзгартиш киритилмоқда. Бунда маз-кур барча ўзгаришлар мазмуни ва кон-цептуал жиҳатидан бир хил ҳисобланган.

Қайд этилганидек, Ўзбекистон Респу-бликасининг Конституцияси ва қонунлари, Ўзбекистон Республикаси Олий Мажлиси палаталарининг қарорлари қонун ҳужжа-тларидир. Ўзбекистон Республикаси Президентининг Фармон ва қарорлари, Ўзбекистон Республикаси Вазирлар Маҳкамасининг қарорлари, вазирлиқлар, давлат қўмиталари ва идораларнинг буйруқлари ҳамда қарорлари, маҳаллий давлат ҳокимияти органларининг қарор-лари қонуности ҳужжатларидир.

Шуларга асосан, мазкур қонун билан қонун ижодкорлиги ва қонунчилик соҳа-сида ишлатилиши лозим бўлган атамал-лар билан боғлиқ ўзгаришлар киритил-моқда.

Ушбу ўзгаришларнинг киритилиши мил-лий норматив-ҳуқуқий базада давлат ти-лидаги “қонунчилик” тушунчасининг бир хиллаштирилишига эришилади. Ўз навба-тида, норматив-ҳуқуқий ҳужжатларда ҳар хил тушунмовчиликларнинг олди олинади.

Қонун сенаторлар томонидан маъқул-ланди.

Шундан сўнг “Халқлар дўстлиги куни-ни белгилаш тўғрисида”ги Ўзбекистон Республикаси қонуни муҳокама қилинди.

Миллий тикланишдан — миллий юкса-лиш сари қадам қўяётган Янги Ўзбекис-тоннинг ички ва ташқи сиёсатида tub ўзгаришлар, учинчи Ренессансга пойде-вор бўладиган ислохотлар амалга оширилмоқда.

Жумладан, яхши қўшничилик ва кон-структив мулоқотга асосланган сиёсати-миз туфайли Марказий Осиёда тамоман янги дўстона муҳит юзага келди.

2017 — 2021 йилларда Ўзбекистон Рес-публикасини ривожлантиришнинг бешта устувор йўналиши бўйича Ҳаракатлар стратегиясида хавфсизлик, миллатлараро тотувлик ва диний бағрикенгликни таъминлаш, шунингдек, вазмин, ўзари фойдали ташқи сиёсатни амалга ошириш масалалари устувор вазифа сифатида белгиланди.

Ўзбекистон Республикаси Президенти Шавкат Мирзиёевнинг парламентга йўллаган Мурожаатномасида Бирлашган Миллатлар Ташкилоти Бош Ассамблея-сининг резолюцияси билан ҳар йили 30 июль — Халқаро дўстлик куни сифатида кенг нишонланишини инобатта олиб, ушбу санани Ўзбекистонда “Халқлар дўстлиги куни” деб белгилаш тақлиф этилган эди.

Шунингдек, давлатимиз раҳбарининг 2020 йил 2 мартдаги Фармониға муво-фиқ тасдиқланган “Илм, маърифат ва ра-қамли иқтисодиётни ривожлантириш йили” Давлат дастурида “Халқлар дўстлиги ва умумхалқ бирдамлик кунини белгилаш тўғрисида”ги Ўзбекистон Республикаси-нинг қонуни лойиҳаси ишлаб чиқиш топ-шириғи белгиланган.

Мазкур вазифалар ижросини таъмин-лаш мақсадида ишлаб чиқилган “Халқ-лар дўстлиги кунини белгилаш тўғриси-да”ги Ўзбекистон Республикаси қонуни-да халқимизга хос бағрикенглик ва аза-ли дўстлик гоялари ифода топган.

Бугунги кунда мамлакатимизда 130 дан зиёд миллат ва элатлар ҳамда 16 та дин-ий конфессия вакиллари истижмат қилиб, 141 та миллий-маданий марказ ва 36 та дўстлик жамияти фаолият юритмоқда.

Давлатимиз раҳбарининг 2018 йил 4 майдаги Фармони асосида Қорақалпо-гистон Республикаси, вилоятлар ва Тошкент шаҳри марказларида “Дўстлик уйлари” ташкил этилди.

Турли миллатлар вакили бўлган 14 на-фар ташаббускор ва фидойи юртдоши-миз Ўзбекистон Қаҳрамони юксак ўнвон билан тақдирланганини алоҳида таъкид-лаш ўринлидир.

Турли миллат вакилларининг ўз она тилларида таълим олиш имкониятини таъ-минлаш мақсадида мамлакатимиз таъ-лим муассасаларида ўқиш 7 тилда, яъни ўзбек ва қорақалпоқ тилларидан ташқари рус, тожик, қозоқ, қирғиз ва туркман тил-ларида ҳам олиб борилмоқда. Олий таъ-лим масканларида эса бир неча қардош ва хорижий тилларда таҳсил олиш имко-нияти яратилган.

Телерадиоларда 12 тилда кўрсатув ва эшиттиришлар эфирга узатилаётгани, га-зета ва журналлар 10 дан ортиқ тилда чоп этилаётгани мамлакатимиздаги мил-латлараро тотувлик ва ҳамжиҳатлик му-ҳитининг амалдаги намунасидир.

2019 йил 15 ноябрда Фармонға муво-фиқ Миллатлараро муносабатлар ва хо-рижий мамлакатлар билан дўстлик ало-қаларини янада ривожлантириш соҳаси-да давлат органлари ва ташкилотлари-нинг, маҳаллий ижро этувчи ҳокимият органларининг фуқаролик жамияти инсти-тутлари билан ўзаро ҳамкорлик даража-сини янада ошириш мақсадида Миллат-лараро муносабатлар соҳасида Ўзбекис-тон Республикаси давлат сиёсати кон-цепцияси тасдиқланди.

Халқлар дўстлиги ва умумхалқ бир-дамлик кунини байрам сифатида белги-лашдан асосий мақсад инсонлар, халқ-лар, давлатлар, умуман олганда, жами-ятнинг турли қатламлари ҳамда тузилма-лари ўртасида ҳамжиҳатлик, бағрикенг-лик, миллатлараро тотувликни мустаҳкам-лаш ва дўстлик алоқаларини янада ри-вожлантиришдан иборат.

Сенат аъзолари мазкур қонунни маъқуллади.

Сўнгра илмий фаолиятни ривожланти-риш учун қўрилаётган чоралар ҳолати юза-сидан Ўзбекистон Республикаси Вазир-лар Маҳкамасига юборилган парламент сўрови натижалари кўриб чиқилди.

Қайд этилганидек, Ҳукумат томонидан парламент сўровига белгиланган муддат-да жавоблар тақдим этилди ва Сенат-нинг тегишли Қўмита аъзолари томони-дан жавоблар таҳлил қилинди.

Жавобда илм-фан ва илмий фаолият-ни такомиллаштиришга қаратилган бир қатор норматив-ҳуқуқий ҳужжатлар қабул қилинганлиги, жумладан, Ўзбекистон Республикаси Президентининг 2020 йил

29 октябрдаги “Илм-фанни 2030 йилгача ривожлантириш концепциясини тасдиқлаш тўғрисида”ги Фармони ҳамда Вазирлар Маҳкамасининг 2020 йил 6 ноябрдаги “Илмий даражали кадрларни тайёрлаш жараёнларининг шаффофлигини таъмин-лаш ва самарадорлигини ошириш чора-тадбирлари тўғрисида”ги қарори тасдиқ-ланганлиги маълум қилинган.

Шунингдек, хорижий давлатлар билан халқаро қўшма илмий лойиҳаларни амал-га ошириш бўйича 6,9 миллиард сўмлик 25 та “Ўзбекистон — Беларусь”, “Ўзе-бикстон — Германия”, ва “Ўзбекистон — Туркия” халқаро қўшма лойиҳа бажарил-моқда. Жорий йилда Туркия, Хитой ва Ҳин-дистон давлатлари билан қўшма лойиҳа-ларга танловлар эълон қилинган.

2019 йилда Тошкент шаҳридан ташқа-ри ҳудудларга ажратилган квоталар 376 тани ташкил этган бўлса, 2020 йл-да бу кўрсаткич 558 тагача етказилган. 2021 йил учун докторантураға 842 та кво-талар ажратилган. Шу билан бирга, кимё, биология, геология ва математика йўна-тишлари бўйича докторантураға квоталар сони ўтган йилдагига нисбатан сезилар-ли даражада оширилган.

Соғлиқни сақлаш вазирлиғи тасарру-фидаги илмий ташкилотлар томонидан ҳозирги кунда илмий фаолиятга оид давлат дастурлари доирасида умумий қиймати 53,5 миллиард сўмлик 147 та лойиҳа бажарилмоқда.

Мажлисида парламент сўровида айрим масалалар юзасидан жавоблар етарлича акс эттирилмаганлиғи сенаторлар томо-нидан қайд этилди.

Хусусан, илм-фанға йўналтириладиган жами маблағларнинг ялпи ички махсу-лотга нисбатан улуши 2025 йилга қадар 6 баравар (ЯИМға нисбатан 1,2%), 2030 йилгача эса 10 баравар (ЯИМға нисбатан 2%) оширилиши белгилангани-га қарамай, буни таъминлаш бўйича ҳуку-мат томонидан 2021 йилда олиб борила-диган ишлар бўйича аниқ маълумотлар берилмаганлиги, инновацион фаолиятни ривожлантириш бўйича амалга ошири-лаётган изчил ислохотларга мос тарзда илмий фаолиятга оид ҳудудий дастурла-рини шакллантириш ва амалга ошириш юзасидан маҳаллий давлат ҳокимияти органлари томонидан аниқ чора-тадбир-лар белгиланмаганилиги, олий таълим му-ассасаларининг ва таркибида таълим му-ассасалари бўлган соҳаларда илмий са-лоҳиятни ошириш йўналишида таҳлиллар, прогностлар ва аниқ тақлифлар ишлаб чиқилмаганлиғи таъкидланди.

Муҳокама натижаларига кўра, Вазир-лар Маҳкамасига парламент сўровида қўйилган масалаларга юзаки ёндашган мутасаддиларнинг масъулиятини ошириш

ҳамда сўровда акс эттирилган барча ма-салаларни чуқур ўрганиб, натижаси юза-сидан Сенатга ахборот киритиш топши-риғи берилди.

Мазкур масала юзасидан Олий Маж-лис Сенатининг тегишли қарори қабул қилинди.

Шундан сўнг сенаторлар мамлақати-мизда тошқинлар, сел оқимлари, кўчки хавфи мавжуд тоғ ва тоғолди ҳудудлари-да жойлашган аҳоли пунктлари ҳамда иқтисодий объектлар хавфсизлигини таъ-минлашга оид қонун ҳужжатларининг ижро этилиши ҳолати юзасидан Ўзбекистон Республикаси Вазирлар Маҳкамасига юборилган парламент сўрови натижаля-рини кўриб чикди.

Таъкидланганидек, бу борада Ҳукумат томонидан ўрганиш олиб борилган. Унинг натижалари тошқин сувлари ва сел оқим-ларини хавф-хатарсиз ўтказиб юбориш-ни таъминлаш, қор кўчиш ва ер кўчки ҳодисалари хавфини камаййтириш бўйича Ҳукумат комиссиясининг мажлисида му-ҳокама қилинган ва муайян ишлар амал-га оширилган.

Парламент сўровида қўтарилган кам-чиликларни бартараф этиш бўйича чора-тадбирлар режаси тасдиқланиб, манфа-атдор вазирлик ва идоралар ҳамда ма-ҳаллий давлат ҳокимияти органлариға, ҳу-сусан, Қашқадарё, Сурхондарё, Наман-ган, Самарқанд, Тошкент ва Фаргона ви-лоятлари ҳокимлариға гидрометеоролог-ик ва геологик хавфли ҳудудларда исти-қомат қилаётган фуқароларни хавфсиз ҳудудларга кўчириш юзасидан тегишли кўрсатмалар берилган. Жумладан, гид-рометеорологик ва геологик хавфли участкалардан доимий кўчирилган аҳоли-га товон пулларини тўлаш;

тоғ ва тоғолди ҳудудларида Хавфли геологик жараёнларни кузатиш давлат хиз-мати ва “Ўзгидромет” маркази ҳулосала-рисиз курилган саноат, ҳўжалик ва бошқа объектларнинг сони ҳақидаги аниқ маълумотларни шакллантириш;

гидрометеорологик ва геологик хавф-ли ҳудудларда жойлашган аҳоли пунктла-ри ва иқтисодиёт объектларини тошқин-лар, сел оқимлари ва кўчки ҳодисалари-дан муҳофаза қилиш мақсадида киритил-ган тақдимнома; ва кўрсатмалар ижроси-ни таъминлаш;

дарёлар ва сойлардан норууда фойда-ли қазилмалар ноқонуний қазиб олини-шининг олдини олиш юзасидан таъсир-чан, жумладан, Экология ва атроф-му-ҳитни муҳофаза қилиш давлат қўмитаси инспекторларининг моддий-техник таъми-нотини мустаҳкамлаш чораларини кўриш; соҳада мавжуд тизимли муаммоларни ҳал этиш мақсадида ушбу йўналишдаги тадбирларни тартибга солувчи норматив-

ҳуқуқий ҳужжатларни қайта кўриб чиқиш билан боғлиқ вазифалар белгиланган.

Мажлисида парламент сўровида қўта-рилган айрим масалаларнинг ечимига етарли даражада эътибор қаратилмаган-лиғи таъкидланди.

Хусусан, магистраль газ қувурларининг дарё ўзанлари ва каналлардан оқиқ ҳолат-да кесиб ўтган участкалари яқинида таш-кил этилган норууда фойдали қазилмаларни қазиб олиш ишлари олиб борилиши, ушбу ҳудудларда бахтсиз ҳодисалар со-дир бўлишиға, магистраль газ қувурла-рининг авария ҳолати муносабати билан тўхтатилишиға ва республика миқёсида табиий газ таъминотининг бир маромда етказиб берилишиға салбий таъсир кўрсатмоқда.

Норууда фойдали қазилмаларни қазиб олиш ишлари учун тегишли ваколатли органлар томонидан лицензия бериш иш-лари “Ўзтрансгаз” АЖнинг ҳудудий бўлинмалари билан расмий келишилган ҳолда ташкил қилиш кераклиғи ҳамда Ҳукумат томонидан тасдиқланган чора-тадбирлар режасида белгиланган вазифа-лар ижросининг бориши тўғрисида 2022 йил 1 январға қадар ҳар ярим йил-да Сенатга маълумот тақдим этиб бори-лиши билдирилди.

Мазкур масала юзасидан Олий Маж-лис Сенатининг тегишли қарори қабул қилинди.

Шундан кейин Ўзбекистон Республи-каси Марказий сайлов комиссиясининг 2021 йил 5 февралдаги “3.Низамходжаев-ни Ўзбекистон Республикаси Олий Маж-лиси Сенати аъзолари рўйхатидан чиқа-риш тўғрисида”ги қарорига асосан Зайниддин Махаматович Низамходжаевни Ўзбекистон Республикаси Олий Мажлиси Сенати Раисининг ўринбосари лавозими-дан озод этиш тўғрисида Олий Мажлис Сенатининг қарори қабул қилинди.

Бундан ташқари, Ф.Ф.Эшматовани Ўзбекистон Республикаси Олий Мажлиси Сенатининг Хотин-қизлар ва гендер тенг-лик масалалари қўмитаси таркибидан чи-қариш, қолаверса, А.Х.Тошқуловни Ўзбе-кистон Республикаси Олий Мажлиси Се-натининг Халқаро муносабатлар, ташқи иқтисодий алоқалар, хорижий инвестиция-лар ва туризм масалалари қўмитаси тар-кибидан чиқариш тўғрисида ҳам тегишли қарорлар қабул қилинди.

Шунингдек, Олий Мажлис Сенати Кен-гашининг қарорлари ҳам тасдиқланди.

Шунинг билан Ўзбекистон Республи-каси Олий Мажлиси Сенатининг ўн ик-кинчи ялпи мажлиси ўз ишни ақуллади.

Ўзбекистон Республикаси Олий Мажлиси Сенати Ахборот хизмати.

Ўзбекистон Республикаси Конституциявий судининг Қ А Р О Р И ЎЗБЕКИСТОН РЕСПУБЛИКАСИ КОНСТИТУЦИЯВИЙ СУДИНИНГ РАИСИ ТЎҒРИСИДА

“Ўзбекистон Республикасининг Конституциявий суди тўғрисида”ги Ўзбекистон Республикаси Конституциявий Қонунига мувофиқ Ўзбекистон Республикаси Конституциявий суди

ҚАРОР ҚИЛАДИ:

- Бахтияр Шамсутдинович **Мирбабаев** ўзининг берган ёзма аризасига мувофиқ Ўзбекистон Республикаси Конституциявий судининг раиси лавозимидан озод қилинсин.
- Ушбу Қарор расмий эълон қилинган кундан эътиборан қучга қиради.

Ўзбекистон Республикаси Конституциявий суди

Тошкент шаҳри, 2021 йил 5 февраль

Ўзбекистон Республикаси Конституциявий судининг Қ А Р О Р И ЎЗБЕКИСТОН РЕСПУБЛИКАСИ КОНСТИТУЦИЯВИЙ СУДИНИНГ РАИСИНИ САЙЛАШ ТЎҒРИСИДА

Ўзбекистон Республикаси Конституцияси 108-моддасининг учинчи қисми ва “Ўзбекистон Республикасининг Конституциявий суди тўғрисида”ги Ўзбекистон Республикаси Конституциявий Қонуни 5-моддасининг тўртинчи қисмиға мувофиқ Ўзбекистон Республикаси Конституциявий суди

ҚАРОР ҚИЛАДИ:

- Мирза-Улуғбек Элчиевич **Абдусаломов** Ўзбекистон Республикаси Конституциявий судининг раиси этиб сайлансин.
- Ушбу Қарор расмий эълон қилинган кундан эътиборан қучға қиради.

Ўзбекистон Республикаси Конституциявий суди

Тошкент шаҳри, 2021 йил 5 февраль

Ўзбекистон Республикаси Марказий сайлов комиссиясининг Қ А Р О Р И 3. НИЗАМХОДЖАЕВНИ ЎЗБЕКИСТОН РЕСПУБЛИКАСИ МАРКАЗИЙ САЙЛОВ КОМИССИЯСИНING РАИСИ ЭТИБ САЙЛАШ ТЎҒРИСИДА

Ўзбекистон Республикаси Сайлов кодексининг 12 ва 16-моддалари ҳамда Ўзбекистон Республикаси Президентининг 2021 йил 5 февралдаги тақдимномасига асосан Ўзбекистон Республикаси Марказий сайлов комиссияси

ҚАРОР ҚИЛАДИ:

- Ўзбекистон Республикаси Марказий сайлов комиссияси аъзоси Низамходжаев Зайниддин Махаматович Ўзбекистон Республикаси Марказий сайлов комиссияси раиси этиб сайлансин.
- Ушбу Қарор Ўзбекистон Республикаси Марказий сайлов комиссиясининг расмий веб-сайти ва бошқа манбаларда эълон қилинсин.

Раислик қилувчи

Тошкент шаҳри, 2021 йил 5 февраль

Х. Маматов

Ўзбекистон Республикаси Олий Мажлиси Сенатининг Қ А Р О Р И

ЎЗБЕКИСТОН РЕСПУБЛИКАСИ МАРКАЗИЙ САЙЛОВ КОМИССИЯСИНING ТАРКИБИГА ЎЗГАРТИШЛАР КИРИТИШ ТЎҒРИСИДА

Қорақалпоғистон Республикаси Жўқорғи Кенгеси Президиумининг 2021 йил 2 февралдаги 244-сонли, халқ депутатлари Жиззах вилояти Кенгашининг 2021 йил 2 февралдаги 135/21-сонли ва 136/21-сонли, халқ депу-татлари Навоий вилояти Кенгашининг 2021 йил 2 фев-ралдаги 16/141-сонли ва 16/143-сонли, халқ депутатла-ри Наманган вилояти Кенгашининг 2021 йил 29 январ-даги 94/17-06-сонли, халқ депутатлари Сурхондарё вилояти Кенгашининг 2021 йил 2 февралдаги №182/VI-21-сонли, халқ депутатлари Тошкент вилояти Кенгашининг 2021 йил 2 февралдаги VI/XIV-I-сонли, халқ депутатлари Хоразм вилояти Кенгашининг 2021 йил 2 февралдаги №23-99-сонли, халқ депутатлари Қашқа-дарё вилояти Кенгашининг 2021 йил 2 февралдаги 107-20/06-сонли ва 108-20/06-сонли қарорларини кўриб чиқиб, Ўзбекистон Республикаси Сайлов кодексининг 12 ва 13-моддаларига мувофиқ Ўзбекистон Республика-си Олий Мажлисининг Сенати

ҚАРОР ҚИЛАДИ:

1. Ўзбекистон Республикаси Олий Мажлиси Қонунчилик палатасининг 2021 йил 3 февралдаги №732–IV-сонли, №733–IV-сонли, №734–IV-сонли, №735–IV-сонли, №736–IV-сонли, №737–IV-сонли,

№738–IV-сонли, №739–IV-сонли, №740–IV-сонли, №741–IV-сонли, №742–IV-сонли, №743–IV-сонли, №744–IV-сонли, №745–IV-сонли ва №746–IV-сонли қарорлари маълумот учун қабул қилинсин.

2. Қуйидагилар Ўзбекистон Республикаси Марказий сайлов комиссиясининг аъзолари этиб сайлансин:

Базаров Орифжон Шадиевич — Қарши муҳандислик-иқтисодиёт институти ректори

Джураев Шўхрат Низамович — “Навоийазот” акция-дорлик жамияти ижтимоий ва маиший масалалар бўйича бўлим бошлиғи

Кадирова Муяссар Джумаевна — Ўзбекистон соғлиқни сақлаш ходимлари касаба уюшмаси Респу-блика Кенгашининг Сурхондарё вилояти бўйича масъул ташкилотчиси

Кучкаров Бахром Тулқинович — Ўзбекистон Респу-бликаси адлия вазирининг ўринбосари

Низамходжаев Зайниддин Махаматович — Ўзбекис-тон Республикаси Олий Мажлиси Сенати Раисининг ўринбосари

Усмонкулов Алишер Қодиркулович — Жиззах политехника институти ректори

Ўзбекистон Республикаси Олий Мажлиси Сенатининг Қ А Р О Р И

ЎЗБЕКИСТОН РЕСПУБЛИКАСИ ОЛИЙ СУДИ ТАРКИБИГА ЎЗГАРТИШЛАР КИРИТИШ ТЎҒРИСИДА

Ўзбекистон Республикаси Конституциясининг 80-моддаси 3-бандига ва “Ўзбекис-тон Республикаси Олий Мажлисининг Сенати тўғрисида”ги Ўзбекистон Республикаси Конституциявий Қонуни 9-моддаси биринчи қисмининг 3-бандига мувофиқ Ўзбекистон Республикаси Олий Мажлисининг Сенати

ҚАРОР ҚИЛАДИ:

- Халилилло Собиржонович **Тураҳужаев** лавозимда бўлишининг муддатсиз даври-ға Ўзбекистон Республикаси Олий суди раисининг ўринбосари — фуқаролик ишлари бўйича судлов хайъати раиси лавозимига сайлансин.
- Бошқа ишға ўтганлиғи муносабати билан: Лукмон Мухтарович **Кадиоров**; Тальятжон Бахтиёрович **Мелибоев**; Абдурасул Ганпорович **Эранов** Ўзбекистон Республикаси Олий судининг судьяси лавозимидан озод этилсин.
- Ушбу Қарор қабул қилинган кундан эътиборан қучға қиради.

Ўзбекистон Республикаси Олий Мажлиси Сенатининг

Тошкент шаҳри, 2021 йил 5 февраль

Т.Норбоева

МУҲОКАМА ЭТИЛГАН ҲАР БИР МАСАЛА МАМЛАКАТИМИЗ ТАРАҚҚИЁТИГА ХИЗМАТ ҚИЛИШИ БИЛАН АҲАМИЯТЛИДИР

Кеча Ўзбекистон Республикаси Олий Мажлиси Сенатининг ўн иккинчи ялпи мажлиси бўлиб ўтди. Унда бир қатор қонунлар ҳамда мамлакатимиз ижтимоий-сиёсий ҳаётига дахлдор долзарб масалалар муҳокама қилинди. Шулардан айримларининг мазмун-моҳияти, аҳамияти хусусида сенаторлар қуйидагиларни гапириб берди.

■ Акс садо

Наримон УМАРОВ, Олий Мажлис Сенатининг Суд-ҳуқуқ масалалари ва коррупцияга қарши курашиш қўмитаси раиси:

— Мамлакатимизда кейинги йилларда сайловларни очик, шаффоф ва мустақиллик принциплари асосида ўтказиш борасида салмоқли ютуқларга эришилди, десак, айни ҳақиқат. Бу соҳа қонунчилиги замон талаби асосида қамқовлаштириб борилаётгани билан бевосита боғлиқ. Ялпи мажлисда муҳокама қилинган “Сайлов қонунчилиги тақомиллаштирилиши муносабати би-

■ Аввало, миллий экспертлар тавсия ва таклифлари асосида:

- ✓ **халқ депутатлари туман (шаҳар) Кенгашларига сайлов ўтказувчи округ сайлов комиссиялари институти тугатилиб, уларнинг ваколатлари туман (шаҳар) сайлов комиссиялари зиммасига юкланмоқда;**
- ✓ **хорижда истиқомат қилаётган Ўзбекистон фуқароларини дипломатик ваколатхоналарнинг консуллик ҳисобида бўлиши ёки бўлмаслигидан қатъи назар, сайловчилар рўйхатида киритиш тартиби, шунингдек, чет давлатларда сайловчилар яшаётган ёки ишлаётган жойда кўма қутида овоз беришнинг ҳуқуқий асоси яратилмоқда;**
- ✓ **қамоқда сақлаш ва озодликдан маҳрум этиш жойларида, ҳарбий қисмларда ташкил этилган сайлов участкаларини кузатувчилар ўз ташрифи ҳақида қамда 3 кун олдин хабардор қилиш тартиби белгиланяпти;**
- ✓ **сайлов комиссиялари аъзоларига ҳақ тўлаб бериш, компенсация тўлаш ҳамда иш ҳақини ҳисоблашнинг аниқ тартиби ўрнатилади.**

ЕХХТнинг Демократик институтлар ва инсон ҳуқуқлари бўйича бюросининг мақбул тавсиялари асосида ҳам муайян ўзгаришлар киритилаётганини айтиш зарур. Мухим янгиликлардан яна бири, сайловларни октябрь ойида ўтказиш таклиф қилинаётгандир.

Матлуба ГАНИЕВА, Олий Мажлис Сенати аъзоси:

— Охириги йилларда суд-ҳуқуқ соҳаси тубдан ислох этишга, юртимизда қонун устуворлигини таъминлаш, фуқаролар конституциявий ҳуқуқларини рўёбга чиқаришга қаратилган кенг қамровли ҳуқуқий-ташқиллий чора-тадбирлар амалга оширилди. Шунга қарамай, норма ижодкорлиги фаолиятини тартибга солувчи қонун ҳужжатларининг тарққлиги ҳуқуқни қўллаш амалиётида

муайян муаммоларни келтириб чиқараётганди.

Ана шу ҳуқуқий бўшлиқни тўлдирish мақсадида Сенатнинг ўзинчи ялпи мажлисида Ўзбекистон Республикасининг “Норматив-ҳуқуқий ҳужжатлар тўғрисида”ги янги тахрирдаги қонунини маъқуллаган эдик. Ушбу қонуннинг узвий давоми сифатида ишлаб чиқилган “Ўзбекистон Республикасининг айрим қонун ҳужжатларига ўзгаришлар киритиш тўғрисида”ги қонун кеча сенаторлар томо-

Арзикул СОАТОВ, Олий Мажлис Сенати аъзоси:

— Маълумки, юртимизда суд-ҳуқуқ тизимини ислох қилиш, фуқароларнинг ҳуқуқ ва қонуний манфаатлари ҳимояси бўйича кенг миқёсда ишлар амалга оширилмоқда. Ялпи мажлисда сенаторлар томонидан маъқуллаган “Ўзбекистон Республикасининг Жиноят, Жиноят-процессуал кодексларига ҳамда Ўзбекистон Республикасининг Маъмурий жавобгарлик тўғрисидаги кодексида ўзгариш ва қўшимчалар киритиш ҳақида”ги қонун ана шу сазъ-ҳаракатларнинг мантикий давоми бўлди.

Бу ҳужжат билан киритилаётган янгиликларнинг биринчиси сифатида Жиноят кодексига ўн олти ёшдан ўн саккиз ёшгача бўлган шахсининг ўн саккиз ёшга тулмгани айбдорга аён бўлгани ҳолда, унга моддий қимматликлар бериш ёки уни мулкий манфаатдор

этиш орқали у билан жинсий алоқа қилганлик учун жавобгарлик белгиланаётганлигини айтиш жоиз.

Вояга етмаган шахслар манфаатларини ҳимоя қилиш кафолатларини янада кучайтириш, уларни мажбурий меҳнатга жалб этиш ҳолатларига чек қўйиш мақсадида жавобгарлик кучайтирилиб, вояга етмаганларни меҳнат ва бирон-бир шаклда маъмурий тарзда мажбурлаганлик учун тўғридан-тўғри жиноий жавобгарликка тортиш ҳам назарда тутилмоқда.

Шу билан бирга, вояга етмаган шахсларни Ўзбекистон Республикасида ғайриқонуний жамоат бирлашмалари ва диний ташкилотлар, оқимлар, секталар фаолиятида қатнашишга ундаш учун ҳам жиноий жавобгарлик белгиланяпти.

■ Бу қонун ҳаётга татбиқ этилгач, қуйидаги натижаларга эришилади:

- ✓ **одам савдосидан жабрланганларнинг ҳуқуқ ва қонуний манфаатларини кафолатли ҳимоя қилиш ҳисобида мамлакатимизнинг халқаро майдондаги нуфузи янада ошади;**
- ✓ **Одам савдосига ва мажбурий меҳнатга қарши курашиш бўйича миллий комиссия бошчилигида ваколатли органларнинг ҳамкорлиги мустаҳкамланади;**
- ✓ **мамлакатимизнинг қонунчилик базаси халқаро стандартларга мослаштирилади;**
- ✓ **одам савдосига қарши курашиш борасида амалга оширилаётган ишлар тўғрисида ҳолис ва тўғри маълумотларни кенг жамоатчилик ҳамда халқаро ҳамжамиятга етказиш имкониятлари кенгайди.**

нидан атрофлича муҳокама қилинди ва маъқулланди.

Авалло, мазкур ҳужжат билан 5 та Конституциявий Қонун, 294 та қонун ва битта Олий Мажлис қарорига ўзгариш киритилаётганини айтиш жоиз.

Янги қонунда белгиланганидек, Ўзбекистон Республикасининг Конституцияси ва қонунлари, Олий Мажлис палаталарининг қарорлари қонун ҳужжатларидир.

Ўзбекистон Республикаси Президентининг фармонлари ва қарор-

лари, Вазирлар Маҳкамасининг қарорлари, вазирликлар, давлат қўмиталари ва идораларнинг буйруқлари ҳамда қарорлари, маҳаллий давлат ҳокимияти органларининг қарорлари қонуности ҳужжатларидир.

Умуман, бу қонун норматив-ҳуқуқий ҳужжатлар тушунчасига аниқ-тинч таъриф берганлиги билан муҳим аҳамиятга эга.

Зокир ХУДОЙШУКУРОВ («Халқ сўзи») ёзиб олди.

ХАЛҚИМИЗ МАНФААТЛАРИ АКС ЭТГАН ДАСТУР

Ҳаракатлар стратегияси — Ўзбекистон миллий тараққиётининг янги босқичини белгилаб берган кенг қамровли ҳужжат ҳисобланади. Шу боис қабул қилинаётган Президент Фармон ва қарорлари, бошқа муҳим норматив-ҳуқуқий ҳужжатлар асоси у билан узвий боғлиқ. Бу юртимизда ислохотлар қўламини кенгайтириш ва жадаллаштиришга хизмат қиляпти.

Давлатимиз раҳбарининг “2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш йили”да амалга оширишга оид Давлат дастури тўғрисида”ги Фармони ҳам халқимиз фаровонлигини янада ошириш ва қўндалик ҳаётдаги муаммоларни ҳал этиш тизимини янги босқичга кўтариш, десак, муболага бўлмайди.

Мухбиримиз йил дастурида белгиланган долзарб вазифаларнинг мақсади, унинг аҳамияти хусусида Олий Мажлис Қонунчилик палатаси депутатлари фикри билан қизиқди.

■ Муносабат


Дилором ИМОМОВА, Олий Мажлис Қонунчилик палатаси депутати:

— Бу йилги Давлат дастурида ҳар доимги анъанага мувофиқ, ижтимоий муаммоларни ҳал этиш масалаларига ҳам алоҳида урғу берилган.

Хусусан, Меҳрибонлик уларининг уй-жойга муҳтож 900 нафар чин етим битирувчилари уй-жой билан таъминланиши, ижтимоий ҳимояга муҳтож болаларнинг таълим олиши ва касб эгаллашга қўмаклашиш каби муҳим вазифаларнинг белгиланиши фикримиз тасдиғи, албатта.

Эътиборга молик яна бир томони, Давлат дастурида эҳтиёжманд оилалар фарзандларига имтиёзлар бериш бўйича аниқ чора-тадбирлар белгиланди. Унга қўра, олий таълимга ажратиладиган давлат грантлари сони 25 фоиз ҳамда эҳтиёжманд оилалар фарзанди бўлган хотин-қизлар учун давлат грантлари сони 2 баравар оширилади.

Ижтимоий ҳимояга муҳтож, қийнаиб яшайдиган оилалардаги аксарият фарзандлар, айниқса, қизлар оғуралири ҳақида айтишга йимнади. Ўқишга, келажақда яхши касб эгаси бўлишга интилиши кучли бўлса ҳам, хонадондаги моддий қийинчиликларни кўриб, бу ҳақида ота-онасига лом-мим де-



Зумрад БЕКАТОВА, Олий Мажлис Қонунчилик палатаси депутати:

— Дастурда белгиланган муҳим масалалардан бири, бу — тиббиёт соҳасини рақамлаштириш қўламини янада кенгайтириш билан боғлиқ. Эндликда барча тиббиёт муассасасида масофавий хизматлар кўпайтирилиб, улар ўртасида телемедицина йўлга қўйилди.

Бундан ташқари, тиббиёт тизимининг бирламчи бўғинини кучайтириш, кишлоқ ва маҳаллаларда тиббий хизматни сифат жиҳатидан мутлақо янги босқичга кўтаришга қаратилган қатор вазифалар белгиланди. Жумладан, бирламчи бўғинда умумий амалиёт шифокори ўрнига оилавий шифокор фаолияти йўлга қўйилди. Унга ёрдамчи сифатида 5 нафар ўрта тиббиёт ходими бириктирилган ҳолда, “тиббий бригадалар” ташкил этилиб, ҳар бир маҳаллада эҳтиёжманд фуқаролар билан ишлашнинг алоҳида тизими жорий этилади.

Дастурда белгиланган ушбу вазифаларнинг амалга оширилиши чекка ва олис ҳудудлардаги аҳолининг тиббий хизматдан фойдаланиш имкониятларини янада кенгайтиради. Тезкор ҳамда малакали тиббий ёрдам кўрсатиш орқали барвақт ўлим ва ногиронликнинг олдини олишга хизмат қилади.

Бу халқ ҳаммаси эмас. Аҳолига давлат томонидан бепул тиббий хизматлар ва дори воситалари билан кафолатланган пакет доирасида тиббий хизмат кўрсатишни босқимча-босқим амалиётга жорий этиш, тиббиёт соҳасига кадрлар тайёрлаш, давлат тиббиёт муассасаларида фаолият юритаётган тиббий ходимларни қайта тайёрлаш ҳамда малакасини ошириш тизимини ислох қилиш борасида ва бошқа бир қатор вазифалар белгиланди.

Бу каби тадбирларнинг рўёбга чиқарилиши аҳоли саломатлигини сақлашда тиббиёт тизимининг бирламчи бўғинини мутлақо янгидан қайта ташкил этиш орқали мамлакатимизнинг чекка ҳудудлари аҳолисининг сифати ва малакали тиббий хизматлардан фойдаланиш имкониятларини ошириш, юқумли ва юқумли бўлмаган касалликларнинг олдини олиш имконини беради.

Раҳим ШЕРҚУЛОВ («Халқ сўзи») ёзиб олди.

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Бюроғига Т — 248. 30 033 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни қўлаб олиш учун QR-қўднинг телефонингиз орқали сканер қилинг:

ТЕЛЕФОНЛАР:
Девонхона 71-233-52-55;
Котибият 71-233-10-28; Эълохона 71-232-11-15.



ISSN 2010-8784

Тажрибига келган қўёғмалар тақриз қилинмайдиган ва муаллифга қайтарилмайди.

Газетанинг етказиб берилиши учун бўяниш расмийлаштирган ташкилот жавобгар.

Газета тахририят компьютер марказида терилди ҳамда оператор М. Бегмуртова томонидан саҳифаланди.

Газетанинг полиграфик жиҳатдан сифати чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

“Шарқ” нашриёт-матбаа акциядорлик компанияси босмахонаси. Корхона манзили: Буюк Турон кўчаси, 41. ЎЗА якуни — 02.00 Топширилди — 03.50 1 2 3 4 5 6

■ Алишер Навоий таваллудининг 580 йиллиги олдида

ДИЛЛАРНИ ДИЛЛАРГА БОҒЛАГАН БЕБАҲО МЕРОС

Мир Алишер Навоий таваллудининг 580 йиллиги муносабати билан халқаро жамоатчилик вакиллари, адабиётшунос ва навоийшунослар буюк мутафаккирнинг улкан маънавий-маданий мероси ҳақидаги фикр-мулоҳазаларини билдирмоқда.
Қуйида уларнинг айримлари билан танишасиз.

Саъд Мухаммад Абдулғаффор Юсуф, навоийшунос олим, профессор (Миср):

— Мир Алишер Навоий асрлар давомида ўзбек халқи инсоният тамаддунига тақдим этган қўллаб олим, шоир, файласуф, тилшунос, мусикашунос ва рассомларнинг ёрқин намоёнлашди. Хазрат Навоий ижоди билан 2012 йили Тошкентдаги Миср маданияти марказида ишлаган пайтда яқиндан танишганман. Ушбу буюк шахсга бўлган қизиқиш унинг ижоди тўғрисида кўпроқ изланиш олиб боришга ундади. Ўзбекистонлик дўстларим қўмағида “Арбаин” ва “Насоим ул-муҳаббат” асарларини ўқиб чиқдим ва уларда чуқур илм ҳамда эзгулик борлигини ҳис қилдим.

Навоий ўзининг “Арбаин” асарида инсонларни фазилатли ва ўзаро иноқ бўлишга чорлаган 40 та ҳадисни шеър тарзида ифодалаган. Ушбу китобни дўстларим ёрдамида эски ўзбек тилидан араб тилига таржима қилдим. Китобнинг тақдимида Искандария кутубхонасида ташкил этилган “Мовароуннахрнинг Ислоҳ цивилизациясига қўшган ҳиссаси” мавзусидаги конференция доирасида бўлиб ўтди. Айтиш жоизки, ушбу асар араб дунёсида катта қизиқиш билан қўлиб олинди. Айниқса, ҳадисларнинг фазал тарзида келтирилгани барчанга ўзига жалб этди.

Мен хазрат Навоийнинг “Насоим ул-муҳаббат” асарини ҳам чуқур таҳлил қилиб чиқаришга интилдим. Унда Мовароуннахрдаги сўфийлик намоёндалари тўғрисида қўллаб маълумот келтирилган. “Насоим ул-муҳаббат”нинг араб тилига таржимасини 2017 йили тақдим қилдим.

Алишер Навоий ижодига бўлган қизиқиш туғайли, унинг бошқа асарларини ҳам араб тилига таржима қилишни режалаштирганман. Ҳозирги кунда мен дарс бераётган университет талабаларига ушбу шоир асарлари тўғрисида маълумот бериб келилган. Яқинда Алишер Навоий адабий мероси хусусидаги

мақолам университет журналида нашр этилди. Бу мақола орқали араб ўқувчиларини буюк мутафаккир таълимоти билан яқиндан таништиришни кўзлаганман. Ушбу шоир ижоди университетимизнинг адабиёт факультети талабалари орасида ҳам оммалашмоқда.

Хазрат Навоийнинг адабий услуби ўзига хос жиҳатларга эга бўлиб, унинг асарлари олий ҳулқ-ахлоқ орқали оддий инсонларга кучли таъсир эта олади. Бунга мисол сифатида “Ҳамса”, “Маҳбуб ул-қулуб”, “Насоим ул-муҳаббат”, “Арбаин” ва бошқаларни келтириш мумкин.

Ижодкорнинг услуби ҳамда тилини тушуниш осон, фазаллари оддий ва халқчил.

Алишер Навоийга араб оламида ўз даврининг қомусий билимга эга шахси сифатида қаралади. У бизга файласуф, шоир, давлат арбоби, ислохотчи, тилшунос ва мусикашунос сифатида улкан мерос қолдирган.

Хазрат Навоий ижодини ўрганиш ва уларни тарғиб этишга ўз ҳиссамни қўлиш мен учун улкан бахт ва бу йўналишдаги ишларимни келгусида ҳам давом эттирмаман.

Алла Истомина, «Адеф» нашриёт-матбаа ижодий уйи директори (Украина):

— Бу йил Украинада ҳам Ўзбекистонда бўлгани каби кўпгўр сана — буюк шоир ва мутафаккир Алишер Навоий таваллудининг 580 йиллиги кенг нишонланмоқда. Ўрта асрларда яшаб, бугун дунёга машҳур бўлган буюк шоир ўз ижодий мероси билан Украина ва Ўзбекистонни чамбарчас боғлайди, деса, муболага бўлмайди.

Шу ўринда яқин тарих билан боғлиқ бир воқеани эслашни ўринли, деб топдим. Иккинчи жаҳон уруши йилларида танилиб украин шоири Николай Бажан муҳбир сифатида фронтга йўл олган. Унинг оиласи эса Тошкентга эвакуация қилинган.

Уруш тугатгандан сўнг Николай Бажан оила аъзоларини олиб келиш учун Ўзбекистон боради. Яқинлари шоирга ўзбек оиласи улар-

циявий ҳамкорлиқни ривожлантириш муҳимлигига алоҳида урғу берилди. Хусусан, минтақалараро алоқалар, иқтисодиёт ва туризмни ривожлантириш, инвестицияларни жалб қилиш, аёлларнинг жамиятдаги ролини кучайтириш, гендер тенгликни таъминлаш, коррупцияга қарши курашиш ҳамда қонун ижодкорлиги фаолиятида ўзаро тажриба алмашиш масалалари кўриб чиқилди.

Таъкидланганидек, Ўзбекистон ва АҚШ парламентлари

аъзолари ўртасида икки томонлама мулоқот тобора фаоллашиб бормоқда. АҚШ Конгрессининг “Очиқ дунё” дастури доирасида Олий Мажлис палаталари делегациялари АҚШда ҳамда Конгресс вакиллари мамлакатимизда хизмат сафарлари билан бўлган.


Бу борадаги ишларни давом эттириш мақсадида дунёда эпидемиологик вазият барқарорлашгандан сўнг “Очиқ дунё” дастури доирасида Олий Мажлис вакилларининг АҚШга танишув сафарларини ташкил қилиш юзасидан фикр алмашилди.

Учрашув давомида томонлар ўзаро ҳамкорлиқнинг бошқа жиҳатларини ҳам муҳокама қилдилар.

«Халқ сўзи».

Ўзбекистон — Италия:

ҲАМКОРЛИКНИНГ ИСТИҚБОЛЛИ ЙЎНАЛИШЛАРИ БЕЛГИЛАБ ОЛИНДИ



Онлайн учрашувда парламентлараро ҳамкорлиқни янада ривожлантириш истиқболлари муҳокама қилинди. Ўзбекистондаги ўзгаришлар, пандемияга қарши самарали курашиш борасида қўрилаётган чора-тадбирлар тўғрисида сўзлаб берилди. Ўзбекистон Республикаси Президентининг Олий Мажлиси ва халққа Мурожаатномаси барқарор ривожланиш дастуриламали экани алоҳида таъкидланди.

Италиялик депутатларга Ўзбекистон миллий сайлов қонунчилигида киритилган сўнгги ўзгаришлар, хусусан, сайловлар муддатининг декабрь ойидан октябрь ойига

қўйрилгани тўғрисида ҳам маълумот берилди.

Учрашувда, шунингдек, сиёсий, савдо-иқтисодий, ҳуқуқий ва маданий-гуманитар соҳалардаги ўзаро алоқаларнинг жорий ҳолати ҳамда муносабатларни янада мустаҳкамлаш истиқболи муҳокама қилинди. Хусусан, парламентлараро ҳамкорлиқни янада ривожлантириш имкониятлари ҳам кўриб чиқилди. Пандемия билан боғлиқ вазият анча яшилганганини ҳисобга олиб, парламент делегациялари ал-машинувини йўлга қўйиш, икки мамлакат олий қонун чиқарувчи органлари ўртасидаги ҳамкорлиқнинг истиқболли йўналиш-

ларини белгилаб берувчи ҳуқуқий ҳужжат (меморандум) лойиҳасини ишлаб чиқиш ва қабул қилиш, 2022 йилда Ўзбекистон — Италия ўртасида дипломатик муносабатлар ўрнатилганлигининг 30 йиллигини нишонлашга тайёргарлик кўриш ва шу мақсадда алоҳида тадбирлар режасини ишлаб чиқиш шулар жумласидан.

Онлайн мулоқот якунида иштирокчилар Ўзбекистон ва Италия муносабатлари ҳамда амалий ҳамкорлигини ҳар томонлама мустаҳкамлашга қаратилган парламентларнинг ўзаро интилишларини маъқулладилар.

«Халқ сўзи».



ни қандай қабул қилгани, охириги бир бурдан нони ва бир ҳовч гуручини бирга баҳам қўргани ҳақида сўзлаб беради.

Бундай самимий муносабатдан руҳланган Николай Бажан миннатдорлик белгиси сифатида ҳамда украин ўқувчиларини Алишер Навоий ижодий мероси билан яқиндан таништириш мақсадида мўлғоз шоирнинг энг машҳур дostonларидан бири — “Фарҳод ва Ширин”ни украин тилига таржима қилган.

Биз ушбу таржимадан фойдаланиб, украин, эски ва замонавий ўзбек тилларини бирлаштирган ҳолда ажойиб нашр тайёрлаган эдик. Умида қиламизки, ушбу китоб замоналарни бир-бири билан боғлашга ва биродар халқларимизни янада яқинлаштиришга хизмат қилади.

Мир Алишер Навоий таваллудининг 580 йиллигини нишонлаш аарафасида ушбу мутафаккирнинг навбатдаги асари, яъни “Яхши кишиларнинг ҳайратлангичи” (“Хайрат ул-абдор”) дostonини нашрга тайёрлапмиз.

Фурсатдан фойдаланиб, барча ўзбек дўстларимизга, биродар Ўзбекистонга фаровонлик, тинчлик ва меҳр-муҳаббат тилай-қиламиз. Сўзим якунида ўзбек халқининг буюк аждодлари ва уларнинг бой тарихий мероси бизни ҳам ҳар доим руҳлантириб келганини таъкидлашни истайман.

«Дунё» АА.